

HO LEKA HO SEBELETS A MOLIMO

E SE THATO EA MOLIMO

 Ha re tsoe re sa eme joale nakoana re sa rapela. Ha re inamiseng lihloho tsa rōna.

Morena, re thabetse ho khutlela tlung ea Molimo tšebeletsong e 'ngoe hoseng hona. 'Me rea rapela, Molimo, U tle u re lokise liphosong tsa rōna tsohle hoseng hona. Re bontše litsela tseo U re khethetseng ho tsamaea ho tsona. Le ho re abela mohau oa Hao le lerato, re tle re latele litsela tseo le litaelo ka lipelo tsohle tsa rōna, re tle re fumanoe, ka ho Kreste, tsatsing leo, re se na sekoli, hoba rea lumela, Morena, ho hlaha ha Hae ho atametse.

² Re bona lipontšo tsohle tse A li boletseng li tla hlaha pejana feels ho ho Khutla ha Hae, joale li phethahala. 'Me re shebeletse motsots ooo ka thabo. Joaloka Abrahama oa khale ea neng a shebeletse mora oa tsepiso, le ho bona lipontšo tseo tsa Molimo tsa ho qetela li theohela holim'a lefatše, a tseba ke hona hobane mora o se a tla fihla. 'Me joale re e bona e boela e iphetha. Jesu o re boleletse ho re, "Mohla lintho tsena li qalang li hlaha," re phahamise lihloho tsa rōna, hore rōna—rōna topollo ea rōna e a atamela, "tsieleho ea mehla, khohlano har'a lichaba, lithothomelo tsa lefatše libakeng tse fapaneng, leoatle le befileng, lipelo tsa batho li hloloa ke tšabo."

³ 'Me rea eleloa re horeng eo, lichaba li sa tsebeng li etse'ng. Ntoa e 'ngoe e a tla, ho bonahala joalo. Etlaba ntho e tšabehang ha kakang! Lefatše le kamoha ka lehare, boramahlale ba re ntho e nyarosang e haufi. Rea bona Bibebe e bua ka sena. Hape, Morena, re thusen kajeno ho ema tlung ena ea tokiso, le ho nka litaelo ho Molimo oa rōna, ho tsoelapele horeng ena e lefifi, ho khantša Leseli, hoba ekaba monyetla oa rōna oa ho qetela ho etsa joalo. Hoba re kopa sena ka Lebitso la Jesu le ka baka la Hae. Amen.

Lulang fatše.

⁴ Ruri ke hloma e le monyetla o moholo, ho ba ka har'a tabernakele ena hoseng hona. 'Me ke masoabi ha re se na sebaka sa ho lula, tulong ena, bakeng sa lona. 'Me sebaka se petetsane, 'me ho engoe hohle ka ntle.

Lona batho ba ka ntle joale, le ka e mamela ka seea-le-moea sa lona. Kea lebala... [Motho o re, "Mashohlano-hlano ho fihla ho mashohlano-supu."—Mong.] Mashohlano-hlano ho fihla ho mashohlano-supu. Lona batho ba ka ntle, boemelong

ba makoloi, le literateng, le ka o mamela seea-le-moeeng sa lona, pakeng tsa mashohlano-hlano le mashohlano-supaa seea-le-moeeng sa lona. Ka hona re lekile... .

5 Ke ne ke khutla, ke rialo, ho tla koano, ho leka ho tšoara kopano ea matsatsi a ka bang leshome, ho bua ka temana ea *Linkho Tse Supileng Tsa Ho Qetela*. Hoba, mahareng a Linkho tseo ke Diterompeta. 'Me ke ne ke le bolella ka ha'ra... mohla ke tla rera Diterompeta tse Supileng, ka re ke tla li kopanya le Linkho le Likotsi. 'Me ka hopola etlaba nako e monate. Ke sa tsoa khutla Afrika, 'me—'me bana ha ba fumana phomolo ea bona.

Moshanyana oa ka, Joseph, o ne a—a batla a ile... o hloka liveke tse 'maloa tsa ho bala palisong ea hae. O pasitse, ke hantle, empa ha a sebetsa ka tšoanelo. Ka baka leo ra mo siea Tucson, ka hona, ke sa le Afrika, a tsoelapele ho bala le ho ichorisa, sekolong se itseng sa motšegnore.

'Me eaba rea khutla. 'Me ka nahana, ere bana ba sa phomotse, nka tšoara kopanonyana mona le batho, ka rera litemana tsena. Empa eitse ha re fihla mona, ra iphamana re sa khone ho thola odioriamo ea sekolo.

6 'Me ka tseba tabernakele e sa lekana ho lulisa batho, ho ba fa boiketlo bo ba tšoanetseng ha ba... ha ke tšoarane le Molaetsa ona, ka baka leo ra tšoanelo ho—ho hlophisa ka hosele. 'Me bakeng sa ho qeta e—e masiu a leshome ao re neng re a rerile, be, ka etsa litšebeletso tse peli feela ka Sontaha; Sontaha sena, Sontaha se hlahlamang, le Sontaha se latelang, litšebeletso tse peli. Ka hona, ha rea e phatlalatsa.

'Me, hape, haeba motho a utloile eka litšebeletso li tla qala ka la mashome a mabeli a metso e robeli, odotoriamong ea sekolo, ha Molimo o lumetse, be, ha u e-na le metsoalle 'me u hlophisitse matlung a baeti, ke—ke ne—ke tla e hlakola, u a bona, hobane e—e ba, ha rea lokoloha ho e thola. Ha ba khone ho fumana e—e diodotoriamo tsa sekolo.

7 'Me joale ke batla ho bua, ka litšebeletso tsa boevangeli feela Sontaha hoseng. 'Me Sontaha bosiu ke batla ho rapella bakuli. 'Me re tsepile Molimo a tla kopana le lona batho ba kulang. Ha ke tsebe Billy o tla le hlokomela joang; kea kholoa, o tla aba litlankana tsa thapelo, kapa ho seng joalo, litsela tsa ho laola phutheho. Empa re tla etsa hohle hoo re ho khonang ho rapella motho ka mong livekeng tsena tse tharo tse tlangu tseo re ikemiselitseng ho tšoara litšebeletso, ha e le thato ea Morena.

8 'Me ebile hangata ho tšoaroa lipuisano tsa sephiri, motho ea batlang ho u bona feela motsotso ka ntho e 'ngoe kapa ntho e joalo. 'Me re tli'o... Ba batlang puisano ea sephiri ba bakae mona, ha re boneng letsoho la lona. Jo! Ke mang ea sa e batleng? Ka hona re... .

⁹ Ho tla batla ho eba boima ho li fumana, kahoo ngolang kopo tsa lona le li romele, le li neeletse Billy, nka tšoarana le tsona ho tloha moo. 'Me, joale, o tla e tsebisa, kea kholoa, mabapi le likarete tsa thapelo, na li tla ajoa neneng.

¹⁰ Baena ba rōna ba baruti ba bakae mona hoseng hona? Ha rea eso fumane monyetla, ha ke kholoe... Na le ba tsebisitse? Baruti ba bakae mona hoseng hona, na le ka phahamisa matsoho a lona? Kapa, la ema. Ha re boneng na baruti ba bakae ka har'a phutheho hoseng hona. Be, ke bottle! Ho lebohuoe Morena ka banna bana. Eka re ka be re e-na le nako ea ho ananela e mong le e mong oa bona, empa kea kholoa le a ba bona. 'Me re... Molimo o ba tseba tšebeletsong ea bona, 'me re rapela Molimo ho ba ruisa lehlohonolo. 'Me, ntle le pelaelo, bongata ba bona ba koetse litšebeletso tsa bona, ho tla koano. Moena Junior Jackson 'me, kea kholoa, Moena Don Ruddell, 'me khaso ena e kena likerekeng tsa bona. 'Me ebile, hape, holimo New York le libakeng tse ling ho haola le sechaba, o tsamaisoa ka mohala oa poraefete ho kena kerekeng ka 'ngoe hoseng hona.

¹¹ Ke thabetse ho bona Moena Richard Blair a lutseng mona. Ke sa tsoa bala lengolo la nthohali eo Molimo o e entseng har'a batho mono. Tsatsi le leng, kamoo ke utloisisang... Mohlomong kea fosa, Moena Blair; ha ke le phoso, u ntokise. E le ha a sebetsa, a thusa monna ho kopanya mehala ea treilara kapa nthong e 'ngoe, kea kholoa. Ke balile lengolo. 'Me eaba ba chechisa ntho e 'ngoe, 'me, ha ho le joalo, ea chalametsa motlakase ka har'a metsi moshanyana a le ka hare, e mong... oa—oa monga treilara, moshanyana oa hae, nchanyana feela, 'me oa bolaea moshanyana. 'Me mpa ea hae e hohomohile. Re tseba ho tšoasoa ke motlakase, ke hore, ha ba eshoa, ke sona se etsahalang. Mahloana a hae a phethohile; meno a hae a lomahane.

¹² Ea harola baena letsoalo. Moena Blair a re o ile a hopola ho ntšoara kae-kae, ho mo rapella, empa a hopola hoba ho itsoe, "Moo ba babeli kapa ba le bararo ba kopaneng ka Lebitso la Ka, Ke har'a bona." 'Me ntatae a itabola menoana a leka ho kenya menoana ea hae molomong oa moshanyana, ho o ahlamisa. 'Me eaba ba khumama fatše ba qala ba rapella moshanyana, 'me a boela a phela.

¹³ Na e ne e le 'nete, Moena Blair? E mong oa baena ba rōna ba tšepehang mona. Oh, moshanyana o teng mona. Be, ho bokoe Morena! Ho hotle. Re rata ha u ka ema, nchanyana. Joale, re leboha Morena ea ratehang ka sena. Na eo ke ntata moshanyana? Ke uena ntatae? Ke hantle. 'Me Moena Richard Blair ke enoa. Molimo oa rōna a ka etsa sohle. E, monghali. O e tšepeisitse. Re phela ka pela Sefahleho se Khethehileng sa Ntate e moholo, ea tlotlehang, oa Leholumō. 'Me tsohle tseo re... li ka etsoa ha feela re ka e lumela.

¹⁴ Ana le a bona seo e se etsa'ng, mopupso bophelong ba motho ea lumelang seo? Moshanyana oa hae o phelisitsoe. Joale, Molimo o no o emisitse bahlanka ba Oona ba tšepehang mono, ho...Moena Blair le bao, ho rapella moshanyana ea maemong ao. E, ntho efe feela ha e etsahala, hopolang, le bana ba Molimo o phelang.

“Moo ba babeli kapa ho feta ba kopaneng ka Lebitso la Ka, Ke teng mono.” ‘Me hape ho ngoliloe, “Ke thuso e leng teng nakong ea tlokotsi.” ‘Me ha eba tlokotsi e kile ea hlaha, keha moshanyana eo a rapaletse mono, a shoele, fatše, a otluoet motlakase o chalamelitseng ho eena. Kahoo hoseng hona re leboha Molimo, ka lipelo tsohle tsa rōna, ka lilo tsena, ka lintho tsena tseo A re etselitseng tsona.

¹⁵ Molimo a hlohonolofatse banna ba tšepehang bana le bona. Nakong ea qomatsi ke eona nako ea ho sheba ho Molimo. Le ho sheba ho Eena, le ho thea setsoalle le Eena pele qomatsi e fihla. Re tseba hona. Ha re fumane mohau ho Molimo, re ka Mo kopa ntho efe feela, joaloka ha o ka etsa ho motsoalle ofe feela, ‘me Ke thuso e haufi nakong ea tlokotsi.

¹⁶ Maobane, seterateng, ke kopane le khaitseli ea Moena John Martin. Ke ne ke...Motho e mong a ile a nkemisa tlase seterateng, ‘me e mong a feta a ntsokelo letsoho. Ha u khutlela hae, ua tseba, u bona batho ka mahohle, ba ema ‘me ba tsukutla matsoho, le joalo-joalo. ‘Me mofumahali enoa, ke sa hopola mohla ba mpitsang haufinyane, motho a mo thutse ka morao, ka koloi, ‘me a pshatleha lesapo la mokokotlo hohle holimo-le-tlase. A tla holofala bophelo bohole ba hae. O lutse ka har'a tšebeletso hoseng hona, o thabela Boteng ba Molimo. Ke sa tsoa qoqa le eena ka phaposing. Ke batla ho rapela le eena, hape. ‘Me o ne a...O teng mona kae-kae. Kea kholoa ha a khona ho kena.

Empa, mona, ehlile, o lutse pela rōna mona hantle. Ke hantle. Na u ka ema motsotso feela, khaitseli, batho ba tle ba...Ke enoa mofumahali eo ngaka e ‘moletseng, matsatsi a ‘maloa a fetileng, a ke ke a hlola a tsamaea, mokokotlo o pshatlehile le ntho tsohle, ka baka la kotsi—kotsi. ‘Me ke eo moo a emeng, o folile.

Ua tseba, Bibele e itse, “‘Me keha ba hloka puo, hoba motho eo o ne a eme har'a bona.” Ke hantle. Moshanyana ea tsositsioeng bafung ke enoa, ‘me mosali ea pshatlehileng mokokotlo ke enoa, o eme har'a rōna. E sa tsoa etsoa, kahoo e ne e le Eena maobane, kajeno, le ka ho sa feleng. Ho bokoe Lebitso la Morena! Re tšoanetse re be re thabile hakae ho phela ka pela Sefahleho sa Hae joale, le ho tseba hobane Ke thuso e leng teng nakong ea tlokotsi.

Ke thabo ho bona Moena Vayle, Moena Martin, ba bangata ha kana hoseng hona. Morena a le ruise lehlohonolo, baena. Joale ke...

¹⁷ Joale kea tseba ha hoa phola haholo ka mona, ka letšoelé lena lohle, empa leha ho le joalo, eitse ha ke tloha Tucson tsatsi le leng, keha e batla e le lekholo le 'ne kapa le hlano. 'Me ka khitla ea bosiu, ekaba mashome a robong a metso e meraro, 'me ho 'na hona ho monate. 'Me mane Parker ba itse e ne e le lekholo le mashome a mane, Labohlano pele re tloha. 'Me le ka nahana ke mocheso o mokakang oo. Ehlide, mono ke lehoatateng.

¹⁸ 'Me, joale, Sontaha tsena tse tharo tse latelang. Kajeno, ke la leshome le metso e mehlano, kea kholoa, ho joalo, kapa la leshome le metso e tšeletseng; la leshome le metso e mehlano, ha ke re? La leshome le metso e robeli, le ka la mashome a mabeli a metso e robeli, le ka la pele Phato, (ho joalo?) Phato. Ka la mashome a mabeli a metso e mehlano... La leshome le metso e robeli, la mashome a mabeli a metso e mehlano, le la pele, ho tla tšoaroa litšebeletso tabernakeleng. Le se ke, ua tseba, la e tumisa haholo, hobane, u a bona, ha re khone ho kenya se leng ka hare, se leng mona joale, ka hare, u a tseba, 'me ho mpefala feela. Le mpe le khutle feela ha le khona.

¹⁹ 'Me hape ke tlie koano ho phutha literaseti 'moho. Ke batla ke nyahamisoa ke ho haneloa sebaka sa ho tšoarela kopano, leha koana ke utloa ke etelloa pele ho etsa joalo. Kahoo ke hopotse ho ba kopa haeba re ke ke ra nka tente ea röna le-le ho e hloma, le ho lula mono feela, ua tseba. Ho tsoela ka ntle mona lebaleng la bolo, kapa ka ntle polasing, le ho e tlosa sebakeng ho ea sebakeng, kamoo Morena a tla tataisa. 'Me ke utloa e le sona seo A tla se etsa. Ua tseba, pono e malebana le hono e teng. 'Me ke hopola ekaba lona lebaka leo sena se etsahalang... Joale, ua tseba, hangata re hopola ho le hobe ha lintho tse itseng li hlaha, empa, ua tseba, ekabe e le Molimo, u a bona, ho u khannela linthong tsena. Athe, haeba A e buile, O tla e etsa.

²⁰ Masiu a 'maloa a fetileng, bongata ba lona, khoeli feela pele ho uoa Afrika, bongata ba lona mohlomong bo tšoere liteipi, lona batho ba nkang liteipi, ea, *Ho Khetha Monyaluo*, o reriloeng California. Metsotsa e 'maloa ea ho qetela ea teipi eo, ha ke hopole ke ne ke le mono. Empa Moea oa Morena oa fihla ka mokhoa oo. Esale ke ba ahlola kamoo ba phetseng le ho etsa, hoba Evangelie reroe le ho boleloa pela bona khafetsa. 'Me hang Moea o Halalelang oa bua le ho re, "Kapernauma," u a bona, "motse o itheellang ka mangeloi," eo ke Los Angeles, "uena ea iphamisitseng Leholidöng, empa u theoleloa liheleng." U a bona? 'Me hoba hoo ho fete, khele, keha ke eme ka ntle, 'me Moena Mosley le Billy ba e-na le 'na. 'Me ba re... Ho khutla ho ea sheba, 'me mokato oohle keha o tletse batho ba namaletse, baruti ba lla.

²¹ 'Me eaba ke tloha ke fumana Lengolo. Ka re, "Ntho e malebana le hoo e teng ka har'a Bibele."

'Me e le mohla Jesu a khalemang Kapernauma, metse eo eohle e lebopong A kileng a e etela. Khele, A re, "Kapernauma, uena ea iphahamiselitseng Leholidōng, o tla liheloa tlase liheleng." A re, "Hoba holane mesebetsi e entsoeng haeno e be e entsoe Sodoma le Gomora, ekabe e eme kajeno." 'Me mohlang oo, Sodoma le Gomora li ne li le botebong ba leoatle.

'Me ka mora moo feela, lekholo la lilemo kapa ho hong, ka mora seporofeto sa Jesu, Kapernauma, motse o le mong o lebopong oo A kileng a o etela, t̄s̄isinyeho ea lefatše ea o tebisa tlasa leoatle. 'Me ua tseba e ne e le karabelo e malebana le California hantle, nga Los Angeles.

²² 'Me hape koana Tucson tsatsi le leng, ke sa tsoa khutla, t̄s̄isinyeho e khōlō ea lefatše e sa tsoa hlaha mono. 'Me boramahlale ba hlaha thelebishineng ba ntse ba e sala morao. E ne e hlahile likoranteng. Ho thoe, lefatše, tsatsi le leng, le ikarotse le Dihlekehleke tsa Aleutian, kapa le ikarotse le Alaska, ho potela ka Dihlekehleke tsa Aleutian, limaele tse ka bang makholo a mabeli ho kenella leoatle, ho khutla ho kena San Diego, ho potela ka Los Angeles, le ho bitoha San Diego. 'Me le ngamohile le lokolohile ka li-inchi tse 'maloa. Matlo keha a thelehile. Matlo a baeti a hohlometse ka hare.

'Me ramahlale ea moifong oona a—a botsoa. Ha thoe, "Be, e ka 'na ea hohlomela tsatsi le leng?"

²³ A re, "U re e ka khona? E t̄l̄il'o oela!" 'Me a sebelisa mabitso a mahlale kamoo seretse se chesang se... Ke sona se bakileng lit̄s̄isinyeho tsena ho tla joalo, mathoko ho San Diego le tlase mono. Ke lelumela leo le semena. 'Me joale ntho eohle e qala e hohlomela, eka lehlabathe le monyelang, 'me joale ke lekhapetla feela. 'Me le lokolohile, ka li-inchi tse 'maloa. Ba khona ho t̄s̄oara radara le lintho, 'me ba sale lepatso leo morao, ba le t̄s̄oaea. Ke bona moo le neng le le teng.

'Me le boetse le patsohile, ka li-inchi tse 'maloa hape, tse peli kapa tse tharo tsatsi le leng, hape, hantle ka mora seporofeto seo.

'Me ba neng ba botsisia ramahlale, ba itse, "Be, mohlomong e ke ke ea hlaha mongoaheng oa rōna."

²⁴ A re, "E ka hlaha metsotsong e mehlano kapa lilemong tse hlano; empa e t̄l̄il'o hohlomela."

²⁵ Mof. Simpson, ha ke kholoe a le har'a rōna kajeno. Kapa, ke bona Moena Fred a lutse mona, empa ha ke tsebe moo Mof. Simpson a leng teng. O ile a tloha a nka seporofeto seo ke se entseng, ka bo 1935 kapa ntho e joalo, 'me ha thoe, "Mohlang oo," se ngotsoe bukeng kae-kae, "leoatle le tla hahaba le kene lehoatateng."

Le shebe se tla etsahala. Ha lisekoere maele tseo tse likete li ka hohlomela ka har'a seretse se chesang sa lefatše, 'me

se thelehela ka hare, limione li tla shoa ka nako e le 'ngoe. 'Me hoo ho tla hohola leqhubu la letonana! Hopolang, ho ea fihla holimo koana Leoatleng la Salton, ke maoto a lekholo kapa a makholo a mabeli tlas'a motsitsa oa leoatle. Metsi ao a ka hahaba ho fihla Tucson, mohla leqhubu leo le khorohang mono. "Me leoatle le tla khasa le kenelle lehoatata."

Lichaba li a reketla, Iseraele e a tsoha,
 Lipontšo tsa baporofeta ba rōna;
 Matsatsi a Lichaba a baliloe, likoluoa lia
 phophotha;
 Khutlelang, oho lona baqhalani, ha'bo lona.

²⁶ Re nakong ea bofelo. Joale, Morena a le ruise lehlohonolo. Ke ee ke qale joalo 'me ke lebale nako. Re se re tla nyamella ka potlako, potlako e sekhhahla, Bosafeleng, le hona.

²⁷ 'Me joale ho Mohalaleli Mareka, khaolo ea 7 le temananeng ea 7, ho hlahisa mohlolithero oa sehloho sena se sa tsoa baloa ho Dikronike tsa Pele 13. Ho bopa mohlolithero oona ke batla Mareka 7:7.

...ba ntšebeletsa lefeela, ha ba ruta thuto tseo e leng
 melao ea motho.

²⁸ Joale, ha ke tsebe letho haese Molaetsa oo Morena a mphileng oona, 'me ke phetho seo nka buang ka sona. 'Me joale, ke tla bua ka sehloho seo ke hopotseng se tla ba molemo hoseng hona. 'Me bositung bona ke batla ho bua ka, "nama sehleng se loketseng," ha Morena a rata: *Dijo Tsa Moea Sehleng Se Loketseng*, le mokhoa oa ho Li amohela. Joale, hoseng hona: *Ho Leka Ho Sebeletsa Molimo E Se Thato Ea Molimo*.

²⁹ Molimo o ikemetse. 'Me mona re bona seo Davida a se entseng, palong ea Lengolo la Dikronike tsa Pele 13. 'Me o ne a... Maikemisetso a hae a na a nepile. Empa Molimo ha o re balle botle ka baka la maikeisetso a lokileng. Tsela ea ho sebeletsa Molimo e 'ngoe feela, ke ka ho etsa thato ea Oona ka taelo ea Oona. 'Me Molimo, ka ho ikemela, ha ho mang ea Mo bolellang ho etsa eng kapa ho e etsa joang. O e etsa ka tsela, O tseba tsela e nepileng ea ho e etsa. 'Me hoo ho a nthabisa. 'Me e loketse ho re thabisa bohle, 'me kea kholoa e etsa joalo. Hoba, e mong a ka E batla ka tsela *ena*, le e mong a E batla ka tsela *eane*, le e mong ka e 'ngoe.

³⁰ Empa ntho e 'ngoe hape e khōlō, ka Molimo, ha O a re siea, joale, re sa tsebe 'Nete le mokhoa oa ho e etsa. Ekabebe ha O a loka, ho re ahlolela ho etsa seo re sa kang ra tseba ka moo se tla etsoa, le ho re tlohela ho thekesella nthong e itseng. Hase Molimo oa mofuta oo. Ke Molimo o buang Lentsoe 'me o lebeletse bana ba Oona ho Le lumela. 'Me, ka baka leo, O tseba se fetisisang, le nako ea ho se etsa, le mokhoa oa ho se etsa. Re fupile mehopolo ea rōna ka lona, empa Eena o a tseba.

³¹ 'Me hape haeba A rala tsamaiso, ka seo A tlang ho se etsa, 'me a sa re bolelle se tla etsahala le ka moo se tla etsoa, ebe re, thekesella ho eona, ekaba—ekaba toka ho—ho thekesela ha rōna; kapa, ho leka ho etsa ntho, mang le mang a ka lokafatsoa. Empa tsela e 'ngoe feela, 'me ke Lentsoe la Oona.

³² 'Me ntho e 'ngoe, Davida mona, re bona pelong ea hae a batlile ho etsa molemo. A sa fupa morero o mobe, kapa sepheo se bebe. Empa, ntlo, kapa areka ea Morena, e ne e amohuoe e—e batho, 'me a batlile ho busetsa areka ea Molimo malulong a eona, batho ba tle ba botse Molimo malebana le lintho tseo ba li batlileng.

³³ Sebakeng sa—sa ho e tlohela e ikela, rōna... Hola Moena Blair le ntata moshanyana enoa a itse, "Be, ho hobe, ngoana o lemetse, o shoele. Kea kholoa, e mpa e le ntho e hlahileng feela"? Empa ba titimela ho Molimo.

³⁴ Hola mofumahali e monyenyan, holim'a monna oa hae, e le 'moleli oa Evangel, masiu a 'maloa a fetileng, kapa matsatsi, hoba mofumahali e monyenyan eo a pshatlehe mokokotlo, eena ea sa tsoa ema feela... Ngaka e ne e itse, "U tla shoa litho bophelo bohole ba hae." Hola eena le monna ba itse, "Be, moratuo, re tla ikhohatsa feela"? Empa ba etsa ho hong ka potlako; ba ea ho Molimo. Re ka lebisa linthong tse kae ka Bibeleng, enere batho ha ba kena khathatsong, ba ee ho Molimo!

³⁵ Be, joale, matsatsing ao, ba ne ba beetsoe ngalo e le 'ngoe ho kopanela le Molimo, 'me e le arekeng, tlasa mali. Esale eona 'ngalo ea ho kopanela le joale, tlasa Mali. Setulo sa mohau se ne se fokoa, ho hlahisetsa morapeli mohau, kapa mokopi, ha a tla qela Molimo. 'Me Molimo o no o ralile leano le ikhethang, kamoo u lokelang ho ea, hape, mokhoa, 'me A ke ke a amohela letho lesеле. A ke ke a amohela tlhahiso ese; haese kamoo A e hlophileng kateng.

³⁶ Ke sa tsoa rera Molaetsa, bongata ba lona lea O tseba, ka oona, eona feela ngalo e hlophetoeng Molimo ho kopana le morapeli, ngalo A itseng, "Ke tla bea Lebitso la Ka." Ha re ka fumana kereke eo A beileng Lebitso la Hae ho eona, re tla be re fumane ngalo eo. O itse, "Nke ke ka le hlohonolofatsa likhorong tsohle; haese likhorong tseo Ke beileng Lebitso la Ka teng. Ke tla le bea ngalong e le 'ngoe, 'me le tlameha ho kopana le 'Na mono; 'me ke eona feela ngalo eo Ke tla kopana le lona teng." 'Me re fumane, ka hono, moo A beileng Lebitso la Hae teng, 'me ke eona feela ngalo eo A kopanang le morapeli. 'Me Lebitso la Hae e ne e le Jesu Kreste. Lebitso la Molimo ke Jesu Kreste.

³⁷ Jesu o itse, "Ke tla ka Lebitso la Ntate oa Ka." Mora e mong le e mong o tla ka lebitso la ntatae. 'Me O tlide ka Lebitso la Ntate.

“Me ha ho Lebitso le leng tlasa Leholumō le filoeng batho,” leha e ka bitsoa Methodise, Baptise, Presbeteriene, church of Christ, leha ho ka etsoa’ng. Ngalo ea motho ho kopana le Molimo e ’ngoe, ’me keha a le ka ho Jesu Kreste, eona feela nqalo. ’Me lintho tsena tsohle tse morao mona tlasa Testamente ea Khale, li bapisitse hoo. Ke le batla le utloisia ka ho hlaka. Joale, ke thuto ea sekolo sa Sontaha. Ke ngotse Mangolo a ’maloa le lintlha fatše mona. Ka hopola e tla le thusa ho utloisia, kaha lintho tsohle tsa khale li re hlahela e le litemoso.

³⁸ Joale, re fumana Molimo a ralile mokhoa oa ho etsa lintho. Empa Davida, feela ka baka la ho hloholofatsoa ke Molimo, mokana a entsoe, ’me e tla ba morena, a hopola a ka etseta Molimo nthoana e itseng, le hona. ’Me a sitoa ho e atamela ka nepo.

³⁹ Rea elelloa, Molimo o senola Lentsoe la Oona sehleng sa Oona ka Sebele se reriloeng pele. Joale, Martin Luther o na a ka tseba Molaetsa oa kajeno joang? Mapresbeteriene a be a ka khona joang? Martin o be a ka khona joang...kapa kereke ea Katolike e tsebe molaetsa oa Martin Luther? John Wesley o be a ka tseba molaetsa oa Luther joang? Wesley o be a ka tseba molaetsa oa Pentekosta joang? Kapa Mapentekosta a tsebe Molaetsa oona joang? U a bona? O Le senola ka lihla tsa Hae, hobane Ke Peō. ’Me ha E ntse e hola e butsoa, O a Itšenola.

⁴⁰ Joaloka mofuthu oa letsatsi, o phetlang. Mohla e leng bonolo ’me esale ncha, o e ntša mobung, peō; o ntano e hlahisa mahlaku, lekhatheng le leng la letsatsi. Letsatsi le chesang le tla e bolaea haele peō e butsoang...kapa e le nako ea ho butsoa. Ka baka leo, O phikolosa letsatsi ’me o phikolosa tlhaho, ho nyallana le Lentsoe la Oona.

O phikolosa Kereke, ba reriloeng-pele, Monyaluo, ho nyallana le sehla seo ba phelang ho sona.

⁴¹ Esita le tlhaho ka bo-eona e a re bolella kajeno, ha re bona lichaba li pshatleha, lefatše le a hohlomela, mongolo o leboteng. Re bona kereke le maemo ao e leng ho oona.

Re bona Monyaluo le maemo ao A leng ho oona. ’Me re tseba, ka tlhaho, hore Kereke e itokisetsa ho tsamaea. Ke nako e khabane ha kakang! Ke nako eo baporofeta bohle ba labalabetseng ho e bona, hora ena.

⁴² Joale, O senola Lentsoe la Oona sehleng sa Lona feela. Martin Luther o balile eona Bibebe eo re e balileng. Wesley o balile eona Bibebe eo Martin Luther a e balileng. Mapentekosta a bala eona Bibebe eo re e balang. Jesu o balile eona Bibebe eo Baferasi ba e balileng, empa ba ne ba...Ba lekile ho boloka tlhaku lekhatheng le qalang, athe e ne e butsoa, ba sitoa ho bona hora ea bona.

Joale Davida o entse ntho eona eo mona.

⁴³ Molimo o senola Lentsoe lena sehleng, le ho mang eo A khethang ho mo senolela Lona. Molimo o khetha eo A batlang ho mo senolela Lona. O khethile hoo pele ho motheo oa lefatše. Diketso tsohle tsa Oona li tsebiloe ke Eena esale pele, tsa pateloa motho. O mpa a li senola ka ho rata ha Oona. Ke sehla sa Oona se khethiloeng, motho oa Oona ea khethiloeng. 'Me ha O e-so khethe mokha kapa mohlobo; ke motho ea khethiloeng, O e sebetsa joalo.

⁴⁴ Ke mang ea ka hlang a itetsa sefuba ho Mo lokisa, 'me a re, "Joale, Morena, U fositse ka ho kenya monna *enoa* tšebeletsong ea lentsoe. Monna *enoa* ha a lumele joaloka ha a re lumela"? Ea ka reng Molimo O phoso ke mang? E nka setlokotsebe se mpheta-phetang, ho 'Molella taba eo. O tseba seo A se etsang. O tseba hore na ho khethoe mang le hore ho se khethoe mang, ho etsoe'ng le nako ea ho se etsa. Ho sa tsotelehe re nahana hakae re re motho o na le litšanelo tsa ho etsa mosebetsi o itseng, Molimo o tseba ea nang le litšanelo tsa nako le sona sehla, kapa eona nako le nako e nepileng ho e etsa.

⁴⁵ 'Me Mokreste oa sebele, oa 'nete; molumeli oa sebele, oa 'nete ho Molimo, o emela Morena linthong tsena. Emela tšebeletso ea hao. Ha u utloa pitso, etsa bonnate hore ke Molimo. Etsa bonnate hore e lokile. Kholisisa hoba se u se buang se nakong. Bibele e itse, "Ba emelang Morena ba tla bona matla a macha. Ba tla nyoloha ka mapheyo joaloka ntsu. Ba tla matha 'me ba sa khathale. Ha ba tsamaea, ba ke ke ba hlolleha."

⁴⁶ Lemohang Davida, morena oa Iseraele, a sa tsoa tlotsoa. Samuele o na tšetse oli holim'a hae, 'me a khethiloe ke Molimo, ho ba morena oa Iseraele. 'Me Davida a chabeloa ke tšenolo ena, ho busetsa areka ea Morena motseng oa Davida. Joale, ha ho phoso mono, empa, u a bona, Davida a e atamela ka phoso.

⁴⁷ Joale, eka monna ea joalo ha a chabeloa ke tšenolo, monna e moholo ea kang morena ea khethiloeng ke Molimo, morena e moholohali ea kileng a phela lefatšeng, ka ntle ho Kreste, kea kholoa, e ne e le Davida, hoba Kreste ke Mora Davida. Joale, monna e moholo ka ho fetisa, a sa tsoa tlotsoa, a tsoa pela Sefahleho sa Molimo, o fuoe tšenolo ea ho etsetsa Molimo ntho, 'me a batla ho e etsetsa Molimo; empa tšenolo e ne e fosahetse. Joale, eo ke ntho e khōlō. E tlil'o amana le sehloho sa rōna: *Ho Leka Ho Sebeletsa Molimo U Sa Biletsoa Ho E Etsa*.

⁴⁸ Lemohang, Davida o fumane tšenolo. 'Me le lemohe, hase moporofeta, Nathan-ael, ea fumaneng tšenolo. E ne e le Davida, morena, ea fumaneng tšenolo. Esita le Nathan-ael a se ke a rerisoa. Ha a ka a botsa Nathan-ael. Empa na le bone mona, ho Dikronike tsa Pele, o botsitse balaoli ba likete, le

balaoli ba makholo? A se ke a botsa Nathan-ael. O botsitse batho, 'me a boela a botsa baprista le baithuti ba bomolimo ba letsatsi leo, bangoli le baithuti ba bomolimo. Davida o botsitse pele, ho re, "Haeba ena, eona, e fela e le taba ea Molimo, ha re theoheng re nyolleleng areka ea selekane sa Molimo oa rōna, motseng, 'me re botse Molimo pele re etsa lintho."

⁴⁹ Empa ha thoe, mehleng ea Saule, "Ba ne ba lesitse ho botsa Molimo, ka—ka—ka areka, Urime, Urime Thammime. Ba ne ba lesitse ho etsa hoo."

Davida o itse, "Joale ha re khutleleng ho Molimo, rōna bohle! Ha re khutleleng nthong e lokileng. Ha re theoheng re late areka re e tlise mona, ho khutlisetsa Sefahleho sa Molimo," ka mantsoe a mang, "motseng. Ha re tšoareng tsoseletso. Ha re khutliseng batho." Empa a fumana tšenolo, e bonahetseng e lokile, empa e ne e se thato ea Molimo.

⁵⁰ Sebakeng sa ho botsa mohloli a loketseng a be a o botsitse, a botsa balaoli ba hae, hoba e sa tsoa ba morena. 'Me a sala mohopolo oo morao, hoo, balaoli ba hae ba sehlohung le banna ba hae ba baholo.

⁵¹ Eaba o kena kerekeng ea maipolelo 'me a botsa haeba ba ka tšoara tsoseletso. Baprista, bangoli, le balaoli ba likete, balaoli ba makholo, 'me a botsa bona. "Ebe e ne e le thato ea Morena ee?" 'Me ba re e ne e le eona. Empa, u a bona, a lesa ho botsa mohloli o moholo oo Molimo a o sebelisang kamehla. U a bona, a hloleha ho e tšoara.

⁵² Joale maikemisetso a hae a ne a lokile. Sepheo sa hae se ne se lokile. Morero oa hae o ne o lokile, ho tlisa tsoseletso motseng, ho khutlisetsa batho ho Molimo. Empa a se ke a botsa kamoo Molimo a ne a mo laetse. U a bona?

⁵³ Esita le batho bohole ba e-ba ntsoe leng, le baprista, 'me ha thoe morena o nepile, "Ba hloka areka ho khutlela motseng. Joale, ba ne ba hloka Sefahleho sa Molimo. Ba ne ba hloka tsoseletso." Empa Molimo o no o sa tšepisa ho senola Lentsoe la Oona, sehleng sa Lona, ho sechaba. Ha O e-so tšepise ho Le senolela morena, sehleng. Molimo ha o fetohe, le hanyenyane. Ha O a tšepisa ho etsa hoo.

⁵⁴ Ho sa tsotellehe botšepehi, le merero efe e metle, le lipheo life tse ntle, le kamoo batho ba batlang lintho tseo le ho bona hloko ea eona, thato ea Molimo e tlamehile ho phethoa linthong tsena. Ke sona seo ke batlang ho se khokhothela ka thata, hoba ke batla ho e sebetsa tjena u tle u bone ha—ha Moea oa Molimo o fela o ahile ka ho uena. 'Me ke ka baka leo ke lika-likang hakana mona. Ha se ho senya nako ea lona batho ba mohaleng, le ba hokantsoeng, empa ke—ke batla u e bone. Haeba le felhoa ke nako, le ka thola teipi. Hore ho na le...

⁵⁵ Ho sa tsotelehe e hlokoa hakae, mang le mang ba re e hlokoa hakaale kang, hore na eo ke 'Nete e kana kang, tlameho e le 'ngoe e sa setse. Ana eo ke thato ea Molimo?

Joale, Molimo ha o a tsepisa O tla senola liphiri tsa Oona ho marena a Oona, O tla senola liphiri tsa Oona ho batho ba Oona.

⁵⁶ Ntho e kang mehla ea Mikea, mora Imla. Re sa tlohela, e sang ther, empa ka nako e 'ngoe, ho kenya ntho ena le ho le netefaletsa eona, ebe 'nete ho lona, le tle le se e fose.

⁵⁷ Ho kile ha hlaha, mehleng ea Mikea... E ne e le monna oa mofutsana, 'me a bile a tsoa lapeng la bofutsana. Empa, Akabe, morena oa Israele, joaloka sechaba se tlasa Molimo, a ikahela sekolo 'me a emisa ba hloauoeng, baporofeta ba thontsoeng ka monoana, 'me a ipoloketse makholo a mane a bona ka har'a sekolo. 'Me e le banna ba baholo. E se baporofeta ba bohata feela. E ne e le baporofeta ba Baheberu, banna ba makhonthe. 'Me ba ne ba botsa Morena ka banna bana. 'Me ba hlile ba porofeta. Empa, u a bona, eitse ha makhaola-khang a 'nete a fihla, keha e mong le e mong a fapohile Lentsoe la Molimo le thato. [Sekheo lebanteng—Mong.]

⁵⁸ Hoba Josafate o ne a theohe a tsoa Jerusalema ho kopana le—le morena Akabe, 'me ba khoesa liaparo tsa bona, le ho lula ka—e ka likhorong, le ho emisa baporofeta pel'a bona. Pele, Akabe a re, "Re na le setša holimo mona Ramothe-Gileade e leng lefa la rōna." Joale, hoo ke HO RIALO MORENA. Joshua o na se arolele sechaba a ba fa sona, empa Bafilesta ba ne ba se hapile.

Le ho re, "Ke mona bana ba rōna ba sikila bohobe, 'me re haelloa ke lefatše ho lema bohobe. Athe sera sa rōna, Bafilesta, ba khorisa bana ba bona, bahetene, ka mobu oo Jehova Molimo a re fileng oona." Hoo ho hlile ho hlakile. Le ho re, "Ke mona, rōna, sechaba sa Molimo, re lutse mona le bana ba rōna, ba hlokang, athe sera sa rōna se khorisa bana ba sona ka mobu oo Molimo o re ntšitseng Egepeta ka baka la oona oa re abela oona." Taba eo e ka raosa moithuti oa bomolimo, ha ke re? A re, "Na re ka nyoloha 'me ra boela ra hapa mobu oo Molimo o re neileng oona?"

⁵⁹ Josafate a re, "E, ke tla u thusa. Re baena. Uena u Juda, 'me 'na ke—'na ke Jerusalema." Kapa—kapa, e ne e fapane? Kea kholoa... Che, ke hantle. Kea kholoa e... Josafate.

Leha ho le joalo, Josafate e le monna ea lokileng, morena, monna ea lokileng a rata Morena. Akabe e le molumeli ea fofo. Kahoo ba ba theola, 'me Josafate a re, "Mamela, ha re botse Morena, pele. Re lokela ho batlisisa sena." U a bona, hola Davida a etsa seo Josafate a se entseng! O itse, "Na ha rea lokela ho etsa see?"

'Me ka potlako, kaha e le Moiseraele, Akabe a re, "Ruri. Ke na le Baheberu ba makholo a mane, ba joaloka rōna, baporofeta ba Baheberu ba mokhatlo oa rōna. 'Me ke tla botsa. Ke baporofeta." Joale, u a bona, feela . . .

⁶⁰ U re, "Taba eo ea nkhopa, Moena Branham. Moporofeta?" Oh, ee. Ho kile ha hlaha e mong mehleng ea Jeremia, ea itseng ba tla lula mono lilemo tse peli feela. Morena o na a boleletse Jeremia, "mashome a supileng." A khoesa joko molaleng oa hae, 'me moporofeta a e roba, Hanania. Empa le tseba se mo hlahetseng. Oh, ee. U tlamehile ho tsepama le Lentsoe.

Kahoo baporofeta bana ba tla ba porofeta, ha thoe, "Le ka nyoloha! Morena o na le lona."

⁶¹ 'Me e mong oa bona, kea kholoa (ke lebala lebitso la hae joale) e le hloho, Tsedekia, kea kholoa, ho thoe, o bile a khoesa linaka tse peli tsa tšepe a re, "HO RIALO MORENA. Ka tsena," joale monna eo o ne a tšepahetse, "u tla thula sera u se theselele koana mafatšeng a sona, u hape lefa la Molimo. Etsoe le neiloe uena." Ha ke kholoe e ne e le moikaketsi. Ke lumela e ne e le monna ea lokileng. Ke lumela baporofeta bao bohle ba ne ba le joalo.

⁶² U re, "Baporofeta?" Ehlide bo! Hopolang, eena monna ea neng a rere ho bolaea, Jesu Kreste, o porofetile, hoba e ne e le phaposi ea hae eo. E le moprista e moholo selemong seo. 'Me erekaha a ne a tšoere phaposi eo, 'me phaposi eo e le ea hae, Moea oa Molimo o tlie ho eena. Hoo ho ne ho sa bolele hore o bolokehile kapa le letho feela. 'Me eaba o a porofeta, Kaiafa, seo se hlahile hoba phaposi eo e ne e le ea hae.

⁶³ 'Me baporofeta bana, kaha e le baporofeta, ba phaposi ea baporofeta, ba porofetile. 'Me Moea oa Molimo o tlie ho bona, monna oa lineo tsa Moea.

⁶⁴ Kea eleloa ke bua le liperesente tse mashome a robong a metso e robong tsa Mapentekosta. Empa motho hangata, motho, Molimo a ka sebetsana le bona, oa ba fa neo, 'me batho ba hloe batho bao setha. Ha ba sa bitsoa ka nepo 'me ba ronngoe ke Molimo, u tla faposa monna eo kapa mosali ho bua ntho eo e sang thato ea Hae, hoba ba qophelloa ke batho ho e etsa.

⁶⁵ Ke sa tsoa nkana le molisa oa rōna e monyenyane mona mabapi le eona. Ka ntle mona morung hoseng ho hong, ekaba hora ea bo borarō mesong, ho thoe, "E-ea u bolelle Moena Neville!" Ke tlie ho uena, ha ke re, Moena Neville?

⁶⁶ Motha mang le mang, "Moena Neville, aka mpofefetele. Mpolelle sena kapa sane." U a bona? Le tla 'muisa lintho tse ke keng tsa hlaha.

"Ba emang," ho fumana seo Morena a se batlang se entsoe. Ua bona?

⁶⁷ Ka hona banna bana ba e sheba ka kelello ea nama, “Ke la rōna.” Empa, u a bona, ha ba ka ba fumana Lentsoe le thato ea Molimo.

⁶⁸ Eaba Mikea o a theoha, ’me a bona pono. A e hlahloba, pele, le a elelloa. Ho re, “Be butleng. Mpheng bosiu bona. E reng ke fumane, ’me mohlomong nka le arabela hosane.” A sa ka a potlaka feela, “HO RIALO MORENA,” joalo, a lumellana le baporofeta ba bang. O itse, “Ke tla bua feela seo Molimo a se buang.”

’Me tsatsi le hlahlamang, rea fumana, Molimo oa ’molella se tla hlaha. ’Me se hlide se thulana le ba bang. Sekolo sohle, keha se thulana. ’Me esita le e mong a nyoloha a mo jabela sefahleho, ka baka la eona. Empa, u a bona, o ile a ema. Yare hoba a etse hoo, a bapisa seporofeto sa hae, pono ea hae, le Lentsoe le ngoliloeng, ’me keha e tsepame le Lentsoe hantle.

⁶⁹ Motho ha a itlaleha ba “tšoere tšenolo ea ho kolobetsa batho ka Lebitso la ‘Ntate, Mora, Moea o Halalelang,’” e khahlano le Lentsoe. Ha ho mang oa bona ea kileng a e etsa. Haeba ba bua, ho thoe, “Oh, re tla ema, le *hona*, *hoane*, le ho *hong*,” le joalo, e khahlano le Lentsoe. Ha ba re ha ba “lumele peō ea noha,” e khahlano le Lentsoe. Lintho tse ling tsena tsohle, tse khahlano le Lentsoe. E tšoanetse ho khema le Lentsoe le sehla.

⁷⁰ Joale, hola Davida a etsa joalo. Areka e ne e tla tla, empa e sang nakong eo; e ne e se na malulo.

⁷¹ Lemohang mohla ba theohang ho ea lata areka, baholo bohle ba itse, “Ke ntho e lokileng ho etsoa, Davida! Ho bokoe Molimo! Re hloka tsoselitso.” E ne e le Pentekosta ea sebele, kajeno; Baptise, Presbeteriene. “Davida, u morena oa rōna! Uena ka hohle... Molaoli *Sekete-kete*, le Majoro *Sekete-kete*, le Mogenerale *Sekete-kete*, ba tla etela kopano ea hao. Khele, ba re ke ntho e lokileng ho etsoa, Davida. Naha eo e u tšeletse.”

Ke bona bothata kajeno. Ha ke batle naha. Ke batla Molimo, haeba ho se motho ea emang.

⁷² Davida a phutha balaoli bohle. A fumana tšebelisano ea mabotho a sesole. A fumana tšebelisano ea malumeli oohle, le baithuti bohle ba bomolimo, le bohle, mang le mang a lumellana le eena. Le Akabe o entse joalo, le ba bang ka har'a Lengolo; a mpa a se na Molimo, hoba a ne a fapohile thato ea Molimo. Kea tšepa re a e tšoara.

⁷³ Lemohang, ba phethile khato eohle ea borapeli ba e khonneng. Ekaba ba bile ba e phatlalatsa le tsohle, “Tsoselitso e khölö! Areka e tlil'o khutlisoa. Re tlilo tšoara tsoselitso. Re tlil'o etsa *tjena*.”

⁷⁴ Lemohang, a romela libini. A romela batho ba tšoereng liharepa, ka literompeta, 'me ba pethisa borapeli bohole kamoo ba tsebileng; 'me le joale Molimo a le sieo ho eona.

Fale re e bona e ipheta hape, ha ke re?

⁷⁵ Ba nka libini tsohle. Ba nka liletsi tsa harepa, ba bululang literompeta; basali, monna, mang le mang ea binang. Ba ba theolela bohole tlase mono, 'me ba phethisa khato ka 'ngoe ea borapeli.

Ha ke batle ho bua sena, empa ke tlamehile ho se bua. Le malumeli ana kajeno, Pentekosta le tsohle, li phethisa khato ka 'ngoe ea borapeli, ba bina 'me ba hlaba litlatsi.

⁷⁶ Lemohang, Davida a hooeletsa ka matla oohle a hae, 'me a tjolietsa, 'me a tlolaka, 'me a phethisa khato ka 'ngoe e leng teng ea borapeli; 'me Molimo a ntse a le sieo ho eona. Athemorero oa hae, le sepheo sa hae, le ntho eohle e lokile; a mpa a e atamela ka phoso. U a bona? A phethisisa likhato tsohle tsa borapeli; ho hooeletsa, ho bina, ho fumana libini tse ikhethang, ba ikhethang ho hlaba litlatse, le ntho eohle esele. Ba ba ba hobela moeeng. Ba etsa sohle se amang borapeli.

⁷⁷ Mokana matšolohali a rōna a nako ea rōna. Ba batla ho hapela Kreste lefatše. Ntho e joalo ha e eo. Litsoseletso tsa litonana tse sheshenang, linthohali tse etsahalang; hola feela ba ka elelloa, letsatsi leo le fetile. Ho felile ka sona. Empa ba haha, matšolo, mekhatlo, le ntho eohle. Empa, litholoana li batla li tšoana le tšiung ea Davida, ea se ke ea sebetsa.

⁷⁸ Rea tloha re tšoara tsoseletso. Baholo ba rōna, baboleli ba bang ba rōna ba baholo kajeno, ba re ba sokolla likete tse mashome a mararo, livekeng tse tšeletseng; 'me selemo ho tloha mono, ha ba khutla, ha ba fumane le ba mashome a mararo. Phoso e teng. Ke eng, eona ntho e entsoeng ke Davida. Baholo ba phahameng, banna ba phahameng, bareri ba phahameng, likolo tse kholoanyane, boholo bo phahameng, empa ba sa ntse ba rerisana le bolumeli ba khale sebakeng sa ho toba Lentsoe la Molimo le ho bona mohla sehla se fihlang. Lijo tse ling u ke ke ua li jala haese ka linako tse itseng tsa selemo.

⁷⁹ Joale ha re boneng se hlahileng. Leha koana ntho ea bona... Likhato tsa borapeli ba bona le lintho li ne li le khōlō, maikemisetso a bona a le maholo, letšolo la bona le le leholo, 'mino oa bona o le moholo, mohobelo oa bona o le moholo, litlatsti tsa bona li le khōlō, 'mino oa bona o le moholo, 'me ba ne ba fumane areka. Areka ha Molimo a le sieo e thusa'ng? Ke lekese la lehong feela, matlapa a 'maloa a lejoe.

Eka ho ja selallo, ho kolobetsoa. Ho kolobetsoa ho thusa'ng u sa ka ua baka pele? Ho thusa'ng, ho ja selallo, u fetoha

moikaketsi, ha u sa phele bophelo 'me u lumela Lentsoe lohle la Molimo? Ho nka karolo ea Lona, 'me e seng botlalo ba Lona, e supa phoso e le teng.

⁸⁰ Joale, eare sena sohle se sa etsahala, ha re boneng joale se etsahalang ha Molimo, le mongoaha oa Oona le nako ea Oona, li sa natsoe; e le mohopolo oa batho feela.

⁸¹ Batho ba bangata ba itse ho 'na, "Hore'ng u sa tle koano ua tšoara tšebeletso? Be, re a u bitsa. Tekena *sena, sane*, kapa se *seng*."

Be butleng! Ekaba le a e batla, empa Molimo o re'ng ka eona? Batho ba bangata ba itse ho 'na... Ke ee ke mengoe, ke tšoare lihlahlobo, lihlahlobo tsa batho le lintho, ke eme selemo. Be butle! Nka bua'ng pele Molimo a mpolella seo ke tla se bua? U a bona, u tlameha ho ema! Ke lona lebaka ke itseng, "E ngole fatše. 'Na ke tla bona na O re'ng." U a bona? Be butle! "Ba emelang Morena ba tla bona matla a macha." Na ho joalo?

⁸² Lemohang, ba rerisitse baprista ba tšiu eo feela, baithuti ba thutamolimo, liphuthetho tsa malumeli. 'Me lemohang, ka ho etsa joalo, ka ho rerisana le baprista le ho rerisana le phuthetho, ho rerisana le batho, ba e fositse.

⁸³ Lemohang, areka e ne e le Lentsoe. Rea tseba hoo ke 'nete. Hobane areka ke Kreste, 'me Kreste ke Lentsoe. U a bona? Areka, kapa Lentsoe, le ne le sa beoa tulong tsa lona tsa mantlha, tse tlotsitsoeng, tsa mantlha tse tlotsitsoeng. Oh, le se hlolehe ho e tšoara, kereke!

Ntho eohle e ne e phethahetse, 'me ntho eohle e shebahala e babatseha, ea ka ho tla fihla tsoselotso e khōlō; empa erekaha ba sa botsa motho ea nepahetseng! Ba botsitse baprista, ho botsa baholo, ho botsa barutehi ba thutamolimo, ho rerisana le libini, le ho kopanya ntho eohle khopolong e le 'ngoe, le mokhatlo o moholo oa sesole, 'me hape le—le—le matla a sechaba. Ntho eohle ea kena kutloanong ea tšebeletso e khōlō, empa ba sitile ho rerisana le Molimo. Le Akabe o entse joalo, le ba bang ba entse joalo. Motsotso o mokakang!

⁸⁴ Joale le se fose taba ena. Ba sitiloe ho e tšoara, hoba ba sa ka ba botsa. 'Me ka ho etsa joalo... Shebang. Ka ho ea ho baprista, ka ho ea ho baithuti ba bomolimo, le ka ho ea ho mabotho a sesole, 'me ba sa ka ba natsa moromuo oa bona oa hora ea romiloeng se-Molimo, Nathane, ba e fosa. Ba tloha ba nka areka ba e hloesa koloi e ncha, ho e hloesa koloi e ncha, kapa, "mokhatlo o mocha oa bolumeli o tla qala," 'me e seng holim'a mokhoa o abiloeng se-Molimo, o khethetsoeng ho e jara. E ne e tlameha ho jaroa ke mahetla a ba-Levi. Empa, u a bona, ha u qala ka phoso, u tla 'na u fosa.

⁸⁵ Ha tholoana e tobisoa sekhopi, 'me u rutla lopo ea sethunya ka 'ngoe holim'a sekete, le ho qaleng, u se u fapohile ka li-inchi tse 'ne kapa tse hlano lijareteng tse lekholo. U qala hampe.

⁸⁶ Oho Molimo, re thusé ho tseba hoba ntho ena e qalile hampe, matšolo a maholo ana a hora, joaloka ha a bitsoa. Molimo ha o botsoe letho ka eona. Baprista le monna oa borapeli ba botsoa ka eona. Mekhatlo e a botsoa. “Be, na u batla *hore-le-hore?* Kea kholoa, ha re ka phutha batho bohole ‘moho!’ Le se ke la phutha batho bohole ‘moho’. Le mpe le fumane Lentsoe la Molimo mabapi le eona.

⁸⁷ Ke moo re fumanang, ha ba etsa hoo, ba etsa’ng? Ba tsoelapele ka mananeo a bona a khale a borapeli, a tsoileng Lentsoeng la Molimo le thatong ea Molimo. Ntho eo e shoele, khale lilemong tse fetileng, lintho tseo tsa khale tse omeletseng tsa lilemo tse fetileng.

⁸⁸ E omeletse mehleng ea Morena Jesu. Ha ba ka ba e tseba. Ho itsoe, “Holané le tsebile Moshe, le ka be le tsebile le ’Na, hoba Moshe o mpoletse Ke tla fihla.”

Ha thoe, “Bontata rōna ba jele manna feelleng.”

⁸⁹ Ha thoe, “Bohole ba shoele!” “Lifofu,” A ba bitsa, Bafarasi, baetapele ba borapeli. “Ekare ha le sa lumele hobane Ke Eena, le tla shoa libeng tsa lona.” Empa ba hanne. Ba ne ba bopeletsoe ka thata mekhoeng ea bona. Keha ba tlamehile ho e sebetsa ka mokhoa oa bona.

⁹⁰ Davida le eena o e sebelitse joalo. A sebetsa ka tsela ea hae, ka hona a mpa a re, “Le tseba seo ke tla se etsa? Rea tsamaea.” O ne a fumane tšenolo. “Rea tsamaea joale, ka baka leo re tla e sebetsa ka tsela e ncha. Matsatsi a mehlolo a fetile, ka baka leo re tla iketsetsa mokhatlo o mocha. Re tla tea koloi e ncha, ho supa ntho e ncha e qalileng.” Boporofeta bo bo kakang ba bohata!

⁹¹ O tlameha ho khutlela mokhoeng oo Molimo a o laetseng. Ba e hloesa mahetla a ba-Levi, ’me mono e le holim’ a pelo. Areka, Lentsoe, ha le hloesoe holim’ a mokhatlo oa bolumeli, holim’ a mehopolo ea monna ea itseng, empa holim’ a pelo. Lentsoe la Molimo ha le tšoaroe ke mekhatlo ea bolumeli; Le tlameha ho tšoaroa ke pelo ea monna, moo Molimo a ka kenang a ba a Itšenola. ’Me haeba a fela a e senola ho latèla Lentsoe, ke Molimo; haese lona, hase eona.

‘Me, hape, Lentsoe la sehla seo! Ehlide, Mofarasi o ba a ka re, “Ke mang ea re laetseng ho se etse *sena* le ho etsa *sane?* Moshe ke eena a re fileng litaelo tsena.”

“Empa Moshe o boetse o itse...”

Satane o itse, “Khele, ho ngoliloe, ‘O tla laela A Hae Mang-...’”

⁹² “Me ho boetse ho ngoliloe,” Jesu o boletse.

Sehla, nako! “Holané le tsebile Moshe! O teng ea le qosang, Moshe. Holané le tsebile Moshe, le ka be le tsebile le ’Na,” A

rialo, “hobane Moshe o ngolile ka ’Na. ‘Morena Molimo oa lona o tla hlahisa Moporofeta har’ a lona, bana benō; le tla utloa Eena.’” Holane ba tsebile Moshe, ba ka be ba tsebile le Eena.

⁹³ Joale ka kelohloko, mame lang, le se fose sena joale. U a bona, ntho ea pele, eareha ba botsa baprista, ho botsa baholo, ho botsa sesole, ho botsa phutheho eohle, baahisane, ho phutheha ’moho kopanong e khōlō ena e tlang, ba sitiloe ho e sebetsa hantle. Ha ba ka ba rerisa Molimo. ’Me, ka ho etsa joalo, ho se khutlele morao ho sheba na nako ke efe!

⁹⁴ Oh moena, mamela. Re phela nakong efe? Ke mongoaha ofe? Re horeng efe? Hase nako ea lintho tsena tseo ba buang ka tsona. E fetile. Kahlolo e haufi joale. Le ka e bona e tšoloha. Le sa hopola lefika le holim’ a thaba? Hora ea kahlolo! Le hopola tšenolo, kapa pono ea Monyaluo? Ako Mo baballe khatong. U se Mo lumelle ho tsoa khatong.

Lemohang, “Holin’ a mahetla a baprista!”

⁹⁵ ’Me Davida le baprista bohole, ba loketseng ba ba ba tsebile hantle, empa e ne e le eng? Baprista ba loketse ba ba ba tsebile hantle. Bangoli, baithuti ba thutamolimo, ba loketse ba ba ba tsebile hantle, hobane Lentsoe le hanetse ketso eo.

⁹⁶ ’Me kajeno ha ba batla ho re, “Oh, Jesu Kreste ha se eena maobane, kajeno, le ka ho sa feleng. Ke bokhoni ba ho bala kelello. Ke *sena*, *sane*, kapa se *seng*.” Ha ba khone ho bona Lentsoe la pallo. “Oh, e ne e le letsatsi le fetileng.”

Davida a re, “Oh, be, joale ba butleng. ‘Holin’ a mahetla a—a baprista,’ ke morao mohla Moshe a ne a tsoa. Ehlide, rōna, re tla e hloesa koloi e ncha kajeno. Ke fumane tšenolo ea eona.”

⁹⁷ Baprista ba re, “Amen, Davida!” U a bona, ho tšoae tsoa ke lekhotala le lecha la kereke ea bona, e reng bohole ba teane ’moho ho etsa *sena* tjena le ka tsela *eane*, ke sona se khopileng baprista. Ha ba ka ba rerisa motho ea nepahetseng. Ha ba e sebetsa hantle, ka baka leo ba kena khathatsong. E-ea.

⁹⁸ Kea tšaba, boholo ba lintho kajeno... Mohla moruti e moholo, e mong oa ba baholo Pentekosta, a emeng pel’ a sehlopha sa borapeli bosiu bo bong Chicago. E le ha ke tlamehile ho tšoara kopano eo le Banna ba Khoebo; empa ka hopola ke tla be ke le Afrika nakong eo, empa ka khutla letsatsi feelsa pele e simolla. ’Me ba khetha mohlalefi e moholo oa Mopentekosta, eaba o ema a ba bolella a re motsamao oona oa kereke ke ntho ea Molimo. ’Me a re bohole baa khutla, esita le kereke ea Katolike e tla khutlela maemong a eona a mantlha, bohole ba bua ka lipuo e le bopaki, le joalo-joalo. ’Me a sa tsebe hoba leo ke leraba ka liabolosi!

⁹⁹ ’Me monna ke sa ka ka tseba... Ka nako tse ling u jala peō; ha u tsebe se tla etsahala. Empa mopresidente oa Evangelie e

Tletseng ea Borakhoebo, hang hoba sebui se seholo seo se lule fatše, a re, “Ha kea lemalla ho bua lintho khahlano le libui tsa rōna, empa hase kamoo Moena Branham a e tlalehileng e tla hlaha. Empa o itse e tla lebisa letšoaong la sebata.”

A re, “Empa Moena Branham ha a tsebe seo a buang ka sona.”

Ho re, “Rea—re lumela hore o a tseba.” U a bona?

¹⁰⁰ 'Me Chicago, ho itsoe, “Ba bakae mona ba batlang ha nka tla ka neela lehlakore la ka mabapi le eona?” Ba qala ba hooeletsa ba hlaba litlatsi.

U a bona, u ntse u jala lipo; ha u tsebe se tla hlaha. Lula u ntse u jala Peō. Mohla hora eo e fihlang, tse ling tsa tsona li . . .

¹⁰¹ Joaloka Thomase, e ne e batla e le oa ho qetela ho bona Morena. Empa, a tlameha ho 'Mona, hore a lumele ho Eena. U a bona, mohla ba e bonang e etsahala. Oh, Thomase o ile a kena, empa a batla a siiloe ke nako.

¹⁰² Joale mohla ba bonang lintho tse lepiloeng, 'me ho thoe HO RIALO MORENA, e etsahala, ke moo ba reng, “Re qhatsetseng le rōna Oli ea lona.” U a bona?

¹⁰³ Empa joale lemohang, tšoaetso. Ka nako tse ling mathaka a maholo a ee a kopane. U ba utloa ba re, “Sekete-kete e moholo, le Sekete-kete e moholo, oa rōna e moholo . . .” Le se etse hoo le ka mohla.

Ba baholo har'a rōna ha ba eo. E moholo o Mong feela, 'me ke Molimo. Rōna re baena, likhaiseli. Ha ke tsotelle na u molisa oa kereke e nang le batho ba bahlano ka har'a eona, hoo ha ho u etse monyenyane; hoo ho u etsa moena, u a bona, ha u tsepahala Lentsoeng la Molimo. Ho sa tsotlehe eng, joang; ha u fetoha e monyenyane. Molimo ha o na bana ba banyenyane le bana ba baholo. O'na le bana feela. 'Me bohole ba tšoana.

¹⁰⁴ Lemohang, Molimo o ne o theohe ka bo-Oona lipaleising tsa Khalalelo tsa manaka a tlou, oa fetoha e mong oa rōna. Joale e moholo ke mang? Ho nkile . . . E seng ho theohela koano le ho nka maemo a moprista, empa mohlanka. Ho hlatsoa lona letsopa leo A le bopileng, maoto a baapostola ba Hae le ba bang. Joale e moholo ke mang?

¹⁰⁵ Empa ho susumetsoa, banna bana. Ha ba ka ba utloisia. Ba hopotse ntho e ncha e tla etsahala, che, ntho eo Molimo o sa e bolelang e tla etsahala. Ba e atametse ka phoso.

Ke seo mafolofolo ana oohle, mohla e . . . ho simolotsoe morao koana, khale nako e fetileng, phutheho ka 'ngoe ea malumeli ea lokela ho iphumanelo mofolisi oa Khalalelo; phutheho ka 'ngoe ea malumeli ea lokela ho fumana *sena, sane*, kapa se *seng*. Phutheho ka 'ngoe ea malumeli ea lokela ho

iphumanela Davida e monyenyan. E 'ngoe le e 'ngoe ea lokela ho fumana *sena, sane*, kapa se *seng*. Le bona se etsahetseng? E entse sona se entsoeng mona. Ntho e tšoanang. Tšoaetso!

¹⁰⁶ Lentsoe la sehla, nako eo ba phetseng ho eona, ea se ke ea natsoa.

¹⁰⁷ Lemohang, “mahetla a ba-Levi,” e ne e le mokhoa oa tšimolohong, o abiloeng ke Molimo ho etsa lintho tsena. “Bea areka eo holim’ a mahetla a ba-Levi.” Sohle se thoko le hoo se ne se le khahlano. Seo O se buileng, ke sona seo O nong o se bolela. Molimo o ke ke oa fetoha. Ke lona lebaka, ema le Lentsoe la Hae! Ke tšoere Mongolo, e-ea, Likronike tsa Pele 15:15, ha le batla ho le ngola fatše. Lemohang.

¹⁰⁸ Joale lemohang, mono, ho latèla Molimo. Joale ke batla sena le se ngole kelellong tsa lona. Ho boloka melao ea Molimo, ho etsetsa Molimo ntho efe ka nepo, ho—ho sebeletsa Molimo ka nepo, litšoanelo li hlano, ho sebeletsa Molimo ka nepo.

¹⁰⁹ Joale Davida o ne a etsetsa Molimo tšebeletso. A etsa sohle see a tsebileng ho se etsa, a mpa a siea Molimo ka thoko. U a bona? O ne a etsa ntho e lokileng, ntho e molemo ho batho, ntho e molemo ho kereke.

¹¹⁰ Empa litšoanelo li hlano. Tsena ke batla le li hopole. Ho sa tsotellehe botšepehi bo bo kae ba motho ha a e etsa, ho sebeletsa Molimo, sena, tse hlano tsena li tšoanelo ho ba teng.

Pele, e tšoanetse e be nako ea Hae ho e etsa.

¹¹¹ Hola—hola Moshe a ttile, a re, “Re tla tla haha areka ‘me re sesise re nyoloha Nile, joaloka Noe”? Nako ea Noe e loketse areka, empa e seng nako ea hae.

¹¹² Hola Jesu a ka tla, ho re, “Joale Ke tla le borella le etse’ng. Re tla hloa thaba, joaloka Moshe, ‘me re phatlalatse melao e mecha”? U a bona? Huh-uh! Eena e ne e le molao oo. U a bona?

¹¹³ U tšoanelo ho kena nakong ea Hae. E tšoanelo ebe sehla sa Hae. Le e tšoere joale? E tšoanelo ebe nako ea Hae. E tšoanelo ebe sehla sa Hae, nako le sehla.

¹¹⁴ ‘Me e tšoanelo ebe ho latèla Lentsoe la Hae le builoeng. E tšoanetse joalo. Ha ke natse ka moo u re’ng *sena* se tlameha ho etsoa, kapa *sane* se tlamehang ho etsoa, kapa *sena* se tlamehang ho etsoa. Eka khona ebe ho latèla Lentsoe la Oona; ho latèla nako ea Oona le sehla sa Oona.

‘Me e tšoanelo ho abjoa ho latèla, e fuoe motho eo O mo khethetseng ho e phetha ka eena.

¹¹⁵ Ha ke tsotelle na ke bahlomphehi ba bakae. Morena Davida ke eo, o lekana le bona ka boholo. E ne e le morena oa sechaba. Empa O ne a ralile tsela ea ho e sebetsa, ‘me O ba boleletse na O tla e etsa joang. Empa ba hholehile ho e etsa.

¹¹⁶ E tšoanetse ebe ho latèla Lentsoe la Oona; ho latèla nako ea Oona, ho latèla lenaneo la Oona.

¹¹⁷ 'Me e tšoanelo ho tlisoa ke motho ea khethiloeng ke Eena ho e ntša le ho e etsa. Moshe o kile a leka ho e balehela, "Nka motho e mong." Empa Molimo o khethile ho e etsa ka Moshe. Bongata ba bona; Pauluse o ne a leke ho itšola; ba bang ba bangata. Empa eka khona e tlisoe ke eo O mo khethileng ho e etsa.

'Me e tšoanelo ho tlisoa, pele, ho baporofeta ba Oona. Lentsoe la Molimo le tšoanelo ho tla ho baporofeta ba Oona. Amose 3:7, "Morena Molimo ha o etse letho pele O Le senolela mohlanka oa Oona moporofeta." 'Ne.

¹¹⁸ 'Me moporofeta o tšoanelo ho netefatsoa ka Lentsoe la Molimo.

¹¹⁹ Ke tseo litšoanelo tsa lona tse hlano. E tlameha ho lula joalo. Nako ea Oona, sehla sa Oona, mohla O itseng e tla hlaha; le monna eo O mo khethileng; 'me e tšoanelo ho tla ho moporofeta; 'me moporofeta e tšoanetse ebe moporofeta ea netefalitsoeng. Rea fumana, bongata ba bona ka Bibeleng, e ttile ho baporofeta 'me e ne e sa netefatsoa. Moporofeta oa rôna ke Jesu Kreste.

¹²⁰ Ka hona joale le lemohe, u a bona, Molimo o no o sa ba senolela eona ka tsela ea Oona e hlophisitsoeng ho e etsa. Keha ba amohetse tsela ea Davida. Keha ba amohetse tsela ea baprista. Keha ba amohetse tsela ea bangoli, ea baithuti ba thutamolimo, empa e seng tsela ea Molimo. Nathanael, o ne a, e ne e le moporofeta oa letsatsi leo. Hamorao, Nathanael a ba bolella kamoo e sebetsoang kateng. Empa, u a bona, ba e entse ba sa rerisa Nathanael. Ha ho lentsoe le re'ng Nathanael o ne a rerisoe. Khahlamelo eohle, ntho e khôlô e tsoela pele! 'Me, khele, ke hopola sefela seo, "Ako, mpoloke . . ."

Nthuse, Morena, 'pelo li sa tuka,
Boikakaso ba ka bo bobe (ho tsamaea le bao
bohle), ke bitse Lebitso la Hao feela;
Nthute ke se itšetlehe ka se etsoang ke ba ba
bang,
Haese ho emela karabelo ea Hao thapelong.

U a bona, e joalo. Ntumelle ho e bona e etsoa ka nepahalo, e ntano lumeloa.

¹²¹ Joale, Molimo o ba senoletse eona ka Davida, le ka bareri, le ka batho, le ka balaoli ba likete, le balaoli ba makholo, empa e seng ka Nathanael ea tšoereng HO RIALO MORENA. 'Me Morena o boletse A ke ke a etsa letho ho fihlela A le bontšitse moporofeta eo oa mongoaha, pele, hore a etse'ng. Le bona seo ba se entseng? Ba fapoha Lentsoe la Molimo ka kotlolohlo, ba

tloha ba hloesa areka holim'a koloi e ncha. U a bona? Ba tloha ba e sebetsa thoko le molao oa Molimo le tsela ea Molimo e hlophiloeng.

'Me ke sona se hlahileng kajeno, metsoalle. Ke ka baka leo re tšoarang matšolo a mangata hakana, le lintho, 'me litholoana li le sieo. Bohlanya bo eketsehile, sebe se eketsehile, ho feta...Kea le bolella, ho felile ka sechaba sena; e seng sechaba sena feela, empa le lichaba tse ling. Sechaba sena, joaloka Engelane ea mongoaha o mong, se fetohile seotsoa sa lichaba tse ling tsohle.

¹²² Tlase koana Mosambiki, limaele tse makholo a mane le mashome le mashome a robeli hole le tsoelopele, sekhoeng, bana ba mahipi ba mamela Elvis Presley, ba thefulaka lihloho tsa bona 'me ba tlolela holimo-le-tlase joalo, bosiu bohle, ba lula...Kapa, lisetenyanan tse ka hasang limaele tse sekete, ho kena koana Rhodesia, ho fumana Elvis Presley. 'Me ebe ba re, "Ke morapeli e moholo, eena le Pat Boone, le bao." Khele, ke Judase oa hora, 'me ha ba tsebe. Ke eona karolo e mpe, ba lumela ba—ba nepile.

Ana Jesu ha a bolella Mongoaha oona oa Kereke ea Laodisea, "U feela, malimabe, soto, sefov, 'me ha u tsebe"? Ha u tsebe!

¹²³ Be, bana ba Pentekosta tlase Afrika le ka mathoko, ba re, "Be, Elvis Presley, o bina hamonate ho feta sohle seo u kileng ua se utloa." Ntle le pelaelo Davida o khonne, le eena; ntle le pelaelo libini li khonne, empa ea lihela lefu holim'a liahelo. Le bona moo ba leng teng, moo re leng teng kajeno, metsoalle?

¹²⁴ "Mahetla a ba-Levi," e ne e le tsela ea Molimo ea mantlha ho e sebetsa. 'Me ba e hloesa koloi e ncha. Joale, e ke ke ea sebetsa. 'Ha ba botsa mohloli o nepahetse. U a bona? Ba tsoa ke hona, ka eona, 'me ba e sebetsa ka phoso.

¹²⁵ 'Me ke se hlahileng kajeno. Ha monna, ho sa tsotelehe botšepehi bo bo kae, a leka ho O sebeletsa ka thoko ho tsela ea Oona e hlophisitsoeng ho e senola, ka mehla ba e lubakanya. Molimo o e hlomamisa ka tsela ea Oona. Motho, ho sa tsotelehe botšepehi bo bo kae, ha u leka ho e sebetsa ka thoko ho ntho eo, u—u tla e lubakanya.

¹²⁶ Ntho e kang eo Balaame, tšiung ea Balaame. Molimo o boleletse Balaame, moporofeta eo. E ne e le moporofeta, moporofeta Balaame. E ne e le moporofeta, 'me Lentsoe le tlide ho eena hantle, ha thoe, "U se ke ua theohela mono. Ke bakhethoa ba Ka bao. Eo ke khetho ea Ka."

'Me eaba Balaame o kopana le batlotlehi, monna oa sesole, bareri, monna ea tšoaelitsoeng, le ho re, "Be, ke tla—ke tla u bolella, morena o tla..."

U a bona, e bapisa Davida hantle, e bapisa kajeno. Nka ntho eohle e le papiso, 'me u tla e bona. Le a e bona? E re'ng, "Amen." [Phutheho e re, "Amen."—Mong.] U a bona, u a bona, le joale ho a tšoana.

¹²⁷ Empa banna ba balisa ba itse, e—e—e baprista ba itse, bangoli ba itse, baithuti ba thutabomolimo ba itse, "E loketse ho etsoa ka mokhoa *oona*." Empa, e ne e se eona, 'me e ipakile e ne e se eona.

¹²⁸ 'Me Molimo o boleletse Balaame, 'me e ne e le moporofeta, pele, O 'moleletse, "U se ke ua theoha."

¹²⁹ Empa khahlamelo ea monna e mong enoa ea mo etsisa eona khahlano le seo Molimo a itseng se etsoe, 'me sebakeng sa tsoselsetso ea e—ba thohako. Oh, ehlide, a theohela mono 'me a ruta batho, ho re, "Joale be butleng! Lea tseba ke'ng?" Ho re, "Rōna re—rōna re ba-Moabe. Le sa hopola, morali oa Lota ke mofumahali oa rōna. Ke mohloli oa rōna. Bohle re mali a le mang. Bohle re... Malumeli a rōna a tšoana." Le se ke la tsoakana le ntho eo. Sirohang mono. U a bona? Ka baka leo a re, "Bohle re a tšoana. Khele, batho benō ba tšoana le batho besō. Re ka nyallana, har'a rōna, ra thea lekhotla la 'nete la borapeli. U a bona? Rōna bohle re ka kopana 'me ra khutlela nthong ea mantlha."

'Me Molimo oa e rohaka. Israele ha e a ka ea tšoareloa sebe seo. Sa lula le bona litšiu tsa bona tsohle. Ha se a ka sa tšoareloa. Ba timela feelleng le sona. Ke hantle. Hobane ba sa nka tsela ea Molimo e lokisitsoeng ka tsela ea Oona e netefalitsoeng ho e etsa.

¹³⁰ Lemohang, ntho ena eo ba e entseng ea bolaea Israele ka lefu, feelleng. 'Me Jesu o itse, "E mong le e mong o shoele 'me ho felile." Shebang na ke mang ea emeng le Moshe morao mono, Joshua le Kalebe, ka e—ka lenaneong leo.

¹³¹ Lemohang hape, Davida ke enoa, seo a se entseng. 'Me hoba a se etse, ha hlaha'ng? Lefu la otla motho ea tšepahalang.

Joale, kea kholoa re sa hokantsoe, 'me ke batla le utloe linaha ka bophara.

Boitšoaro ba Davida, ka ho se rerisane le Nathan-ael le ho fumana Lentsoe la Morena mabapi le eona, bo lihetse lefu holim'a otla batho ba tšepahalang. E, monghali. A ntša letsoho la hae, le kile la phela pontšeng ea areka; e ne e tsoa ha hae—ha hae lapeng. 'Me eaba pholo e a khoptjoa, 'me areka e se e ea oa.

¹³² Ba se ba fositse hang, lintho tse peli tse phoso. Pele, ba sitiloe ho botsa Nathan-ael. Ntho e latelang ba e entseng, ba theohetse teng ba sa botsa Lentsoe la Molimo. Etsoe, e... Samuele e ne e le Lentsoe letsatsing leo... 'Me a se ke a botsa Lentsoe la Morena. Eare, hobane a etse hoo, ba tsamaea khahlano le Lentsoe la Molimo.

'Me mona monna ea lokileng enoa, e kileng ea e-ba mohlokomeli, e ne e le bishopo, a nahana, "Be, ke mona, ha ke batle ho soabisa Molimo," ka hona a tšehtesa areka ka letsoho. Athe, e ne e se mo-Levi, 'me a shoa. Lintho tse tharo!

¹³³ Joale le nahane ka thata, 'me le shebe se entsoeng ke mekhatlo ea malumeli kajeno. U a bona, ba Le hanne, ba Le bitsitse "thuto ea bohata." U a bona? Shebang na ba kae. Ba til'o thea lekhotla la bona la borapeli, ho joalo. Ba Le bitsitse "bokhoni ba ho bala kelello," athe Molimo ka bo-Oona o Le paka e le 'Nete, le ho Le kholisa e le 'Nete. "Oh, bao ke sehlopha sa liphauphau holimo mono," ba rialo, "ha ba tsebe seo ba buang ka sona."

Ke hantle, ha re tsebe. Re mpa re bua Mantsoe a Hae feela, 'me Eena o tseba seo A se buang, u a bona. Ha ke khone ho Le hhalosa, ha ho mang ea khonang, empa Oona—Oona—Oona o a Le paka.

¹³⁴ Joale lemohang. Balumeli ba bangata ba tšepehang kajeno, ba tlang ho Kreste, u batla ho tla ka pelo eohle ea hae, o bolaoa moeeng ka ho tšoana. Banna ba bangata ba tsamaeang kereke ea Katolike 'me a batla ho ba Mokreste, o ea ho Methodise, Baptise, kereke ea Kreste, 'me esita le Mapentekosta, u a bona, 'me a batla ho ba Mokreste, o ntša letsoho la hae, ho ngolisa le bona.

¹³⁵ Eare Davida ha a bona ketsahalo ena, ea mo phaphamisa. U se phaphame morao ho nako mono, moena. A bona lefu le se le otile.

Mpontše litholoana. Selo sena se reiloeng tsoseletso, e khutlisetsang batho ka har'a likereke, e etselitse sechaba eng, ho oona e—ho oona 'mele oa balumeli? Hase letho empa ho theiloe mekhatlo e mecha le mekhatlo ea malumeli, ho tla joalo, litho tse ngata le joalo-joalo. Na sechaba se ntlaufetse? Ba itse ba til'o....

¹³⁶ "Amerika. Molimo a hlohonolofatse Amerika. Ke—ke sechaba, ke naha ea Sekreste."

E hole le naha ea Sekreste ka limaele tse milione. Ebile ha ke e rapelle. Nka e rapella joang, athe e hana ho baka tlas'a matla a maholo a Molimo a pepesitsoeng pel'a eona; 'me e a hana, 'me e Le koalla menyako, 'me e tloha ho itsamaela? Ke e neela Molimo. 'Me e ntse e ritsetsa hole ho feta. 'Me joale e til'o teba. Le shebe feela se etsahalang.

¹³⁷ Batho ba bangata ba tšepehang ba tloha ho ngolisa le mokhatlo, kapa le sehlopha, kapa le mokha oa mofuta, 'me ba shoele mono, moeeng. U ke ke ua ba bolella letho. Ba hlohuo lintho tseo, "Khele, libishopo tsena li buile sena. 'Me sena se buile sena, sena se buile sena." U ba supisa hantle mona Lentsoeng la Molimo moo e leng HO RIALO MORENA. "Empa molisa oa rōna...."

Ha ke tsotelle na molisa oa lona o re'ng, ha ke tsotelle na ke re'ng, kapa motho o re'ng. Haeba se thulana le Lentsoe la Molimo le netefalitsoeng, hora, nako, Molaetsa, le joalo-joalo, se lebale. Tsamaela hole le sona. 'Me ke tlameha ho ema ka pela mang le mang oa lona ka Letsatsi la Kahlolo, 'me le tseba seo. 'Me na nka rialo, athe ke se ke le leqheku la monna joale. Ke tla... Hase kahobane ke tseba letho, empa Eena o a tseba. Ke mpa ke latèla seo A se buileng.

¹³⁸ Shebang matšolo a maholo ao re a makhileng na bophara kajeno. A pakiloe e le a lefeela. 'Me na hase Jesu ea buileng mona joale, Luka 7:7, "Ba Ntšebeletsa lefeela"? Davida areka eo o e nyolotse lefeela. Akabe o rupeletse baporofeta bao lefeela. Tjhelete eo Balaame o e nkile lefeela. "Ba ruta Thuto eo e leng melao ea batho." Melao ea Molimo ke eona e balloang, ho sa tsotelehe boholo ba bot-...

¹³⁹ "Batho bao ba tsepahala ba tiile." Le e utloa khafetsa, "Ba tsepahala haholo." Ha e bolele letho. Paki ea Jehova, Mosabatha, le mekha eo eohle, e kena seterateng e etsa lintho tseo mang oa rōna a ke keng a li etsa. Makatolike a ema koung a kopa, le lintho tse joalo, litaelo tseo tsa eona joalo, athe e ruile libilione atisa ka libilione atisa ka libilione tsa lidolara, ba sa ntse ba e kopa. Botšepehi, ntle le pelaelo. Dikereke li a tloha 'me—'me lia rera, le lintho tse joalo, 'me bareri ba ema sefaleng 'me ba etsa ntho eohle eo ba e khonang ho kenya maloko a macha kerekeng ea bona; empa ke areka e ncha.

Areka e latèloang e 'ngoe feela, eona, ke Lentsoe la Molimo. Ntho efe e khahlano le Areka eo, sutha ho eona! E beiloe holim'a koloi e ncha, 'me e seng holim'a mahetla a Molimo. Hantle. Sutha nthong eo. U se amane le eona ka letho.

¹⁴⁰ Matšolo a rōna a maholo, libilione le limilione li entse maipolelo. 'Me ke belaela ho ka fumanoa lekholo la bona, har'a ntho eohle. U a bona, ha ho eso hlahe letho.

Ebe le sheba Lentsoe pallo.

¹⁴¹ Le nahana hore e hlolehile, 'me rea e tseba e hlolehile. Ba bang ba—ba batsoseletsi ba rōna ba baholo naheng eo kajeno ba re e hlolehile habohloko. Kereke e a tseba hore e hlolehile. Mang le mang oa tseba hore e hlolehile. Be, hobaneng ho le joalo? Hobaneng e hlolehile?

Morero o no o le motle. E ne e le ho kenya batho ka pel'a Sefahleho sa Molimo, matšolo a maholo. 'Me limilione tsa batho li sebelisitse chelete ea bona, 'me tsa hlophisa matšolo a maholo. 'Me likereke tsohle tsa teana 'moho, dioditoriamo tse khōlō, le lintho tse khōlō, 'me ho hlahile lintho tse khōlō. Hobaneng e hlolehile? Hobane ba sa ka ba tseba hora eo ba phetseng ho eona.

Ha ho makatse Jesu a kile a ema, 'me A lla pelong ea Hae. Likeleli tsa theoha marameng a Hae, 'me A re, "Jerusalema, oho Jerusalema, Ke ratile hakae ho u bokanyetsa sa khoho litsuanyaneng tsa eona. U tlepelitse moporofeta ka mong eo Ke mo rometseng ho uena. Empa u hanne. Empa joale hora ea hao e tlile."

¹⁴² Ana ha le utloe Moea o Halalelang o hlabang mokhosi ka ho lona? "Oh, uena Dinaha tse Kopaneng le uena lefatše, Ke ratile hakae ho u bokanyetsa, empa u hanne. Joale hora ea hao e fihlile. Molimo oa hao oa menyaka, molimo oa hao oa litšila, molimo oa hao oa Sodoma le Gomora, o kene har'a lona." Esita le bana ba rōna, ba ikuta mekuto ea likholaboloko le mangetse a lepeletseng lifahlehong tsa bona, 'me ba fetoha bathoana tse khopameng. Ho felile ka basali ba rōna. E tšetse moeli oa topollo. Banna ba rōna ba fetohile bo-ausihali, ba tsamaea hohle ba apere linthoana, marikhoe a makhatšoane, ba itšoare joaloka ngoanana, 'me moriri o lepeletse melaleng ea bona. 'Me re Basodoma, 'me mollo le khalefo ea Molimo li re emetse.

¹⁴³ Le tseba na O tla bolaea joang, O tla le senya joang? Joaloka ha A entse kamehla. Enereha seotsoa se etsa phoso, se ne se tlepetsoa ka majoe se shoe; ba ne ba thonaka majoe ba bolaee mosali eo oa seotsoa. O tla bolaea kereke joalo. Bibele e itse O tla nesa sefako se tsoang maholimōng, sekotoana se le seng se boima ba liponto tse lekholo, 'me O tla ba tlepetsa. Ea tla Mo thiba ke mang? Ke mahlale afe a re'ng e ke ke ea etsoa? O tla e etsa.

Joalokaha A sebelitse ka areka 'me a sesisetsa Noe polokehong, O tla boela a sebeletsa Kereke ea Hae.

'Me ka melao ea Oona ka Sebele le ka tsela ea Oona ka Sebele, O tla tlepetsa seotsoa seo se febileng le marena le balaoli ba makholo le ba likete. O tla se tlapunya se be se shoe, ka melao ea Oona ka Sebele eo A e beileng taalong. Ke mang ea ka 'Molellang a re A ke ke a bopa lejoe la sefako?

¹⁴⁴ Botsang motho ea tsebang na lerotholi la pula le qala joang. Mme le etsa selikalikoe, le eketsa sekhahla; le boele le ikatise le ikatise le ikatise, ho fihlela boima bo itseng, ebe le oela fatše.

Eena, Molimo, O...khoheli e sitiloe ho Mo tšoara lefatšeng, 'me A nyolohela Leholumōng. Molimo, O bopileng khoheli, a ka boela a etsa sekhahla se lekaneng ho leketlisa lejoe hofihlela le etsa boima ba liponto tse lekholo. O itse O tla e etsa, 'me O tla e etsa. Ke mang ea tla 'Molella ho se e etse? O tla e etsa, hobane O itse O itsalo.

¹⁴⁵ Re matsatsing a qetelo. Re eme ntšing tsa kahlolo. Hobaneng? Ba leka ho ja manna a khale a oeleng morao koana lilemo tse mashome a mahlano, kereke ea Pentekosta. Kereke ea Khalalelo e a leka, lilemo tse fetang makholo a mabeli tse

fetileng. Maluthere, lilemo tse ka bang makholo a mararo, kapa ho feta, tse fetileng, lilemo tse makholo a mangata tse fetileng. Ba leka ho ja manna a khale. Oh, moena, lintho tseo li putile. Li silafetse. A tla . . . A na le—a na le . . . Khele, esale ke re, tšenyane ho oona, libokoanantsi. A tla u bolaea, ha u a ja.

¹⁴⁶ Ho fumana hola Davida kapa mang feela oa bona hola ba rerisana le Bohobe ba hora eo.

Hola baprista, le baporofeta, le bareri, le baithuti ba thutamolimo, le likolo, le mekhatalo ea malumeli, hola ba botsisia hora! Empa e ke ke ea hlola e ba thusa ka letho. E se e tsoile. E ke ke ea thusa letho. Ho felile ka eona joale. E tšetse moeli oo lilemo tse ka bang hlano tse fetileng, lipakeng tsa pako, kahlolo le mohau.

¹⁴⁷ Lemohang, ke'ng? Ho ka etsoa'ng? Eka khona ho etsoe'ng? Ha re botseng moporofeta, Bibele, moo re sa tlamehang ho eketsa kapa ho fokotsa ho Eona. Haeba re etsa, Molimo o re hlakola Bukeng ea Bophelo.

Bibele e boletse, ho Malakia 4, se tla hlaha kajeno. Litšenolo 10, kamoo Litiiso tse Supileng li tla manolloa 'me li senole liphiri tsena tshole tsee esale li patoa mehleng ea bahlabolli bana! O boletse na e tla etsoa joang. E ka har'a Bibele, HO RIALO MORENA. Molimo ka bottlalo, o e tsebahalitse; le ho e netefatsa E le 'Nete, ka lipontšo, mehlolo e maholimöng, le lipakapakeng, le ntho eohle esele, ka lilemo tse mashome a mararo a metso e meraro.

Le nahana ba tla Le mamela? Che. Ba shoele. Ba isitse letsoho la bona nthong e bolaileng ntho eohle. Che, e ke ke ea khona; e ke ke ea khona, lekhale hape.

¹⁴⁸ Ke mohla sena se etsahalang, ha Davida a bona. Oho Molimo, re romelle Davida ea ka bonang moo a emeng, ea ka shebang ka ntle 'me a bona Molimo ea entseng tšepiso seo, kamoo O tla e sebetsa kajeno. Molimo o e boletse hantle mona Lentsoeng la Oona ka Sebele, O tla e etsa joang.

¹⁴⁹ Molimo o boleletse Mikea. Mikea o kile a lekola pono ea hae ka pel'a baporofeta ba seriti ba makholo a mane. A lekola pono ea hae ho bona haeba e nepile. A hetla seo moporofeta ea ttileng pele ho eena a se buileng, ho bona se kileng sa hlaha. A hetla morao, 'me a bona Elia eo a eme mono, ho thoe, "Akabe, le uena, lintja li tla nyeka a hao mali." Joale, a bona ka hoo hobane pono eo tsepame le Lentsoe la Molimo, a e bolela ke hona. 'Me keha a nepile. Ke hantle. Ho sa tsotelehe ba bang ba buile'ng, a tsepama le Lentsoe leo hantle.

¹⁵⁰ Joale ha re shebeng na re tšoere pono efe kajeno. Ana ke ho haha likereke; ana ke lintho tse ncha; ana ho tla etsahala lintho tse khölö? Kapa, na ke kahlolo? Hetlang morao le bone tsepiso ea kajeno, bonang na re phela sehleng sefe.

¹⁵¹ U re, “Be, ho bokoe Molimo, moena, kea tšepahala. Ke ngolisitse kerekeng. Ke fumane khau ea ka ea art. Ke entse sena.” Ho itoketse, ho hotle, ha ho letho khahlano le eona; le Davida o entse hoo, le baprista ba letsatsi leo ba entse hoo, le baithuti ba thutabomolimo ba entse hoo. Empa e ne e thulana le Lentsoe.

¹⁵² Molimo o boletse kamoo O tla e sebetsa kajeno, kamoo O tla khutletsa lintho tsohle, seo O tla boela o se etsa. O tšepisitse ho khutlisetsa. Ke hantle haholo. Ho Joele 2:28, O tšepisitse oa re O tla khutlisetsa. “Ke tla khutlisetsa,” ho bolela Morena, “lilemo tsohle tse jeloeng ke marutle.” Di na le ho fa... U a bona, ke seboko se tšoanang; se lekhatheng le fapaneng la bophelo. ’Me Katolike e ne e qale ea ja, ea lateloa ke Luthere, le Methodise, le Mapentekosta, le tsohle, ho theoha; O itse, “Ke tla busetsa sohle ho Kereke e tšoanang le ea tšimoloho.”

¹⁵³ Shebang pono ea bosiu bo bong. Eena Monyaluoa ea hlahileng ka *mona*, o hlahile ka *mona*. Ka mora hoba liotsoa tseo li fete li apere ligaono tsa bona, linthoana tsa bona tsa khale li nyolohile tla mokhoa *ona*, ’me li tantšetsa rokon-rolo, ’me ba ipitsa Kereke.

U re, “Be, rōna ha re etse joalo.”

Molimo o u bona joalo. Hase kamoo u iponang. Ke kamoo Molimo a u bonang. Ha ho mang ea iponang a fositse. Ha u sheba seiponeng sa Lentsoe la Molimo, Se a u bolella na u phoso kapa che. Hola Davida a etsa hoo, a ka be a bone phoso ea hae. Hola Akabe a etsa hoo, kapa hola baporofeta bao ba etsa hoo, ba ka be ba ipone ba le phoso.

¹⁵⁴ Moporofeta ea netefalitsoeng o boletse, “Akabe o tla shoa, le lintja li tla nyeka mali a hae.” ’Me seporofeto sa hae se ne se tsepame le Lona. Eaba o a tseba hobane o nepile. Esita le Josafate o ne a tšoanetse ho se bona ’me a tsebe. Mohla Mikea a bonang pono, keha a sa tuma ha kaalo bathong ba matsatsi ao, empa o ne a tšoere HO RIALO MORENA. O ne a nepile.

¹⁵⁵ Lemohang, taba ena re e theolela joale letsatsing lena, mohla re bonang ho atamela hora e khōlō.

Lemohang seo Davida a na a leka ho se etsa, le eena. Ke ne ke tšoere ntlha ea eona. O na a leka ho tlisa areka motseng oa Davida, mokhatlong oa bolumeli ba hae.

¹⁵⁶ Shebang morao koana mohla Morena a na bua la ho qala holim’ a noka, “Joaloka Johanne Mokolobetsi a rometsoe ho lelekela ho tla khetlo la ho qala...”

Moena, keha maAsembolise a sa khone ho e emela, esita le maUnited, le bao bohle. Ba tlameha ho iphumanela e mong ’n̄ga e ’ngoe. Ah, bohle ba lokela ho e etsa, u a bona, hantle feela. Bohle ba tlameha ho e theolela tlung ea bona ka sebele.

¹⁵⁷ A batlile ho e theolela motseng oa Davida. Hobaneng? E ne e sa lokisetsoa malulo.

'Me ka lona lebaka leo u ka sitoa ho tlisetsa mokhatlo oa bolumeli Molaetsa. Lentsoe, Areka, Kreste, "eenaa maobane, kajeno, le kahosafeleng," le boipanahatso bohole ba Hae, u ka sitoa ho O tlisetsa mokhatlo oa hao. Ba ke ke ba O lumela, hoba O sa lokisetsoa bolulo. Na Bibele ha e Mo tlaheha a na eme ka ntle ho kereke ea Mongoaha oa Laodisea, a leka ho kena kahare?

Malulo a na a le sieo motseng oa Davida, ho sa tsotelehe e ne e tšepahala ha kae, le boholo ba eona, le—le ka tsela eo. Malulo e ne e se oona. E ne e tla ba Jerusalema. E isitsoe teng hamorao, mohla moporofeta a ba bolellang hore ba etse'ng ka eona. U a bona? Davida a tlameha ho e theolela motseng oa hae. E ne e hloka bolulo.

¹⁵⁸ Kreste ke Areka ea rōna, 'me ba hana ho E amohela. Kreste ke Lentsoe; ba ke ke ba Le amohela. Ba batla tumeloana ea bona, mokhatlo oa bona oa bolumeli, areka e ncha, kapa—kapa mojari e mocha. Ba Le batla le jeroe ke mokhatlo oa bolumeli; areka e ncha. Huh!

Hopolang, Kreste Areka ea rōna! Lea lumela Kreste ke Lentsoe? [Phutheho e re, "Amen." —Mong.] Ke Areka, ke hona. Ho joalo na? Ho lokile. Kreste a ke ke a jaroa, a isoa malulong a Hae a nepahetseng, ka koloi ea mokhatlo oa bolumeli. O sebetsana le motho a le mong, 'me e sang le sehlopha. Ha A eso sebetse le sehlopha le ka mohla; motho a le mong. Athé, O boletse A ke ke a etsa joalo. Holane A entse, ekabeba O thulane le Lentsoe la Oona, Amose 3:7. Le ke ke la Le buisa leshano. Che, monghali. Ke 'Nete.

¹⁵⁹ Empa, u a bona, ba a leka. Areka e ke ke ea jaroa ke mokhatlo. O na le lihloho tse ngata ho oona. U a bona? E ke ke ea etsa. O tšepistse A ke ke a e etsa, 'me A ke ke a e etsa. O boletse... athe O e tšepisitse—athe O e tšepisitse ho e sebetsa ka tsela e itseng? Ke ka baka leo A tšepisitseng hore A ke ke a e etsa.

U se ke ua nahana mehopolo eo. Kea e utloa. U a bona?

¹⁶⁰ Ka baka leo O—O tšepisitse A tla e sebetsa ka tsela e itseng, 'me A ke ke a etsa letho le khahlano le hoo. U a bona? Empa ka tsela ea Hae ea mantlha, ho latèla seo A se buileng ho Amose 3:7, O tla e sebetsa joalo. 'Me e tšoanelia ho netefatsoa le ho kholisoa e nepahetse.

Joale, u tseba seo A se tšepisitseng kajeno, ka baka leo O se etsa kajeno. Ke hantle seo A boletseng A tla se etsa. O tla manolla Litiiso tse Supileng tseo, le sohle seo A tla se etsa; ho senola liphiri morao mane, kamoo likolobetso tsena le lintho tsohle li neng li lubakantsoe kateng. 'Me ke ena, ka

pel'a Sefahleho sa Hae hantle. Mahlale a e paka. Maholimo a e tlalehile. Motho a eme, a e shebile hantle, le ho e bona e etsahala. Ha ho letho leo A le buileng A sa ka a le kholisa e le 'nete. Ke moo he. Hore le tle le bone moo re leng teng kajeno.

¹⁶¹ Joale, mang le mang ea ruileng Moea oa Hae, o tseba seo; ea ruileng Moea oa Molimo holim'a hae, o a tseba Hona ke 'Nete, hoba Moea oa Molimo o ke ke oa bua khahlano le Lentsoe. Che, che. O tla tsapama le Lentsoe hantle.

U re, "Ke na le Moea o Halalelang. Ke hooelelitse; ke buile ka lipuo. Ke hobetse Moyeng." Ha e bolele letho ho Molimo. U a bona?

Davida o entse hona hoo, mohlomong hona hoo, morao mono. Ba binne ka matla a hae oohle, 'me a hooeletska matla a hae oohle. Bohle ba entse hoo, 'me ba ntse ba tsamaea hantle ba kena lefung. Ke hantle. Ha e amane le eona ka letho.

¹⁶² Lentsoe ke lona le balloang, Lentsoe la Morena. "Ba emelang Morena." E, monghali. U a bona, ba ruileng Moea oa Molimo ka ho bona, ba sheba tsepiso ea kajeno, 'me ba ema 'me ba shebella ho fihlela ba E bona. Ba ntoo re, "Ke Eona." Molimo o ba senolela Eona.

¹⁶³ Joaleka Nathanaele. Filipi a tloha 'me a fumana Nathanaele. Nathanaele a re, "Joale bea butle motsotso. Kea tseba taba eo e tsepisitsoe, empa ere ke E bone." "Me hoba a E bone, a re, "Ke Eona."

Mosali o itse, "Joale, ke a tseba, ke utloile baithuti ba thutamolimo ka mefuta eohle. Ke entse *sena* le *sane*. 'Me ke balile Bibebe, ka bonna, 'me kea tseba hobane re... Messia o a tla, ea tla etsa lintho tsena, ka baka leo U tlamehile u be u le moporofeta oa Hae."

A re, "Ke Eena."

¹⁶⁴ A re, "Tloong, le bone Monna, ena ke Eona." A ema ho fihlela a bone Messia eo a tsebahatsoa ke Lentsoe la Molimo, eaba o re, "Esale re e emela, lilemo tse makholo a mane. Ha re eso fumane moporofeta kapa letho. Ke Enoa, 'me Eena ka boEena o re Eena ke Eena." [Sekheo lebanteng—Mong.] "...tsoang le bone Monna Ea mpoleletseng tsohle tseo ke li entseng."

Empa keha baprista ba batla ho 'Molaea, 'me qetellong ba e etsa. U a bona?

Empa kajeno ba ke ke ba bolaea Moea oa Hae. Ke hantle. Che, ba ke ke ba O bolaea. O tlile koano ho re kenya ka hare, ka hona rea leboha. Lemohang Molimo o moholo ha kakang, mesebetsi ea Oona e meholo ha kakang, kamoo e ke keng ea hlolleha!

¹⁶⁵ Joale, Molimo o hlophisitse tsela le mokhoa oa mantlha ho etsa lintho, 'me O ke ke oa e sebetsa khahlano le hoo.

¹⁶⁶ Joale O tsepisitse seo O tla se etsa matsatsing a bofelo. 'Me O ba romeletse, rōna Molaetsa; 'me Molaetsa oona o tla rua boitsebiso bo tšoanang le ba Elia, joaloka Elisha, joaloka ha Johanne Mokolobetsi. 'Me O tla busetsa lipelo tsa batho, e seng mokhatlong oa malumeli, empa morao tšimolohong, ho bontate ba boapostola, morao Lentsoeng. Kamoo lintho tsena li netefalitsoeng. Kamoo moletsong oa lengeloi la ho qetela, Tšenolo 10, "Mehleng ea lengeloi la bosupa, liphiri tsena tsohle esale . . ."

"Hobaneng Methodise a entse *sena*, le Baptise, le kereke ea Kreste, le Paki ea Jehova, *hoo* hohle?"

"Diphiri tseo li tla senoloa letsatsing la qetelo, mohla oa lengeloi la bosupa . . . Molaetsa oa lengeloi la bosupa, mohla eenā . . ." E seng mohla a qalang ho etsa sena, empa, "Mohla a qalang a utloahatsa Molaetsa oa hae." U a bona? E seng lilemong tsa boithophiso, empa, "Mohla a qalang a utloahatsa Molaetsa, ke moo liphiri tsena li tla senoloa." "Me ke tsena; ntle le ho tseba, 'me lona batho ting le lipaki tsa taba eo.

¹⁶⁷ 'Me eaba ka har'a phaposi eo ea bohlahlobi, e le hore lefatše le hloke, ba sa ntse ba ipotsa se hlahileng. Koana Tucson, libaka tse khōlō tseo tsa bolepi li katlalitse foto ea lona holimo mono; ba sa ntse ba ipotsa se hlahileng. Ke eng? Ba sa ntse ba ngola pampiring, "Motho ea tsebang letho ka eng, kamoo e ka beng e etsahetse?" Moholi ha o eo holimo mono, moea o eo, ha ho mongobo; limaele tse mashome a mararo holimo moeeng. Oho, khele!

"Ho tla hlaha mehlolo holimo maholimōng. 'Me mohla tsena li hlahang, lithothomelo tsa lefatše libakeng tse ngata, ke moo ho tla bonahala pontšo leholimōng, ea Mora motho." "Ka tsatsi leo," ho Luka, "Mora motho o tla boela a Itšenola; ho senoloa, ka bo-Eena." 'Me lefatše le tla tšoana le Sodoma le Gomora. Oho, khele!

Baena, le se be monyemo linthong tsa moea, u a bona. "Le batlisise Mangolo, hoba ho Oona le nahana ka Bosafeleng, le na le Bophelo Bosafeleng; athe ke Oona A pakang ka Lentsoe." Ke Oona a pakang ka 'Nete, lintho tseo Molimo a li etsang horeng ena.

¹⁶⁸ 'Me joale ke'ng? Ba nang le Moea oa Molimo, ba emela lintho tsena. 'Me ereha ba bona lintho tseo, ba lumela lintho tseo. Jesu o itse, "Ha ho motho ea ka tlang ho 'Na a sa huloe ke Ntate. 'Me bohle bao Ntate a 'Neileng bona," Eena ke Lentsoe, "ba tla tla ho 'Na. Ba tla tla ho 'Na."

¹⁶⁹ Ke ile ka khohlaha haholo hoseng hona, u a bona. Ba emela Morena, ho ema; 'me ha ba etsa joalo, 'me ba bona tšepiso eo ea

kajeno, e netefatsoa, e nchafatsa tumelo ea bona Lentsoeng la Hae. Hobane, O tsepisitse ho e etsa, 'me ke Enoa o a e etsa. Ka hona pelaelo ha e eo. Molimo o a bua. Lentsoe la Hae, lea bua, pele. 'Me Moea o Le tlisang o etsa seo Lentsoe le itseng Le tla se etsa.

Oh, re fumana bolekisi bo bongata. Re sa ntse re ba fumana ka bongata, monna ea pelo e tsepehang ea lekang ho etsa lintho ka tsela *ena* le ka tsela *eane*, empa shebang se hlahileng. Batho ba tla ntša matsoho a bona, 'me ba ntoo—ntoo shoa. U a bona, lemohang.

¹⁷⁰ Ha ho leano la mokhatlo oa malumeli a motho le tla sebetsa le ka mohla, ho qhotsa maloko a areka ea mokhatlo oa malumeli ao ba iketselitseng oona. Molimo ha o eso thee mokhatlo oa malumeli. A ke ke a thea mokhatlo oa malumeli. 'Me ke ntho e entsoeng ke motho.

¹⁷¹ 'Me kea ipotsa, kajeno, na ebe ho hula ha rōna hohle le matšolo a maholo le litsoseletso, na ebe re ne re sa tlatse areka ea Methodise, areka ea Baptise, areka ea Presbeteriene! Empa ho thoeng ka Areka ea Kreste, Lentsoe?

'Me efela ha Monyaluoa e tlamehile ho ba Lentsoe, O tlameha ho ba oa Kreste, karolo ea Monyali. O tlameha ho ba Lentsoe; e seng Lentsoe la letsatsi la Hae; Lentsoe la letsatsi lena, leo A le tsepisitseng letsatsi lena, haele moo A rometse Lentsoe la Hae ho bopella Monyaluoa oa Hae le ho Mo etsa. Kea tsepa re a e bona! U se ke ua inkela mohopolo oa hao joalo, 'me u se ke ua nka mohopolo oa motho e mong. Nka Lentsoe le netefalitsoeng mona, Bibele. E rialo.

Molimo o tsepisitse Lentsoeng la Oona kamoo O tla khetha Monyaluoa oa Oona letsatsing lena la ho qetela. Ana le tsebile hoo? O e tsepisitse, kamoo O tla e sebetsa, ka leano la Oona la tšimoloho ho khetha Kreste, ho khetha linako, ho khetha lihla, kamoo a... A ke ke a e fosa, ho Monyaluoa oa Hae, hobane Eena ke karolo ea Lentsoe leo.

A ke ke a E khetha ka mokhatlo oa malumeli, etsoe A sa khetha Kreste ka mokhatlo oa malumeli. Ana Kreste o tlie mokhatlong oa malumeli? Ana O tlie ka mokhatlo oa malumeli? Che. Ba Mo latotse. Be, mokhatlo oa malumeli o se entse mohlang oo. Joale etlare ha A khetha Monyaluoa, na A ka tla ka tsela eseles?

O tlisitse Kreste joang mona? Ka Lentsoe la baporofeta. Na ho joalo? O tla tlisa Monyaluoa oa Hae joang mona? Ka Lentsoe la baporofeta.

O Mo tsebisitse joang mohla A ne a fihla? Ka monna ea tsoang lefeelleng, a apesitsoe ke moea oa Elia. O tla tsebahatsa Monyaluoa oa Hae joang? O tsepisitse ntho eona eo ho Malakia 4, pele A timetsa lefatše, joaloka matsatsing a Sodoma.

¹⁷² Le hopole, Sodoma o ile a chesoa. Na ho joalo? Be, lefatše lena le tla chesoa. Jesu o itsalo. 'Me e tla ba nako, eo, e kang ee boletsoeng ke Luka khaolo ea 17 le temana ea 30, "Mohlang e tla ka mohla Sodoma le Gomora, ke moo Mora motho a tla senolooa."

'Me ebe ho etsahala'ng? Ho latèla Malakia, O tla boela a chesa lefatše, 'me ba lokileng (Mileniamong) ba tla hatakela melora ea bakhopo. Na ho joalo? U a bona?

Ka baka leo re nakong ea bofelo hantle. Re lutse mona monyako joale, re Mo emetse ho fihla.

¹⁷³ Lemohang, Molimo o tsepisitse Lentsoeng la Oona O tla khetha Monyaluoaa oa Oona ka tsela ea Oona ea mantlha. O khethile ba Oona. Monyali! O e lepile pele ka baporofeta, 'me oa roma moporofeta ho e tsebahatsa.

Moporofeta o buile, a lutse mabopong a Jordane, "Bonang!"

Ba itse, "U Messia, ha ke re?"

A re, "Che, ha ke Messia."

"U tšoanetse u be u le Messia."

¹⁷⁴ "Empa ha ke Eena. Empa O eme har'a lona. 'Me lieta tsa Hae, ha kea lokela ho li tlamolla. Mohla A fihlang, ho Itsebahatsa . . ."

'Me kajeno O eme har'a rōna, ka botho ba Moea o Halalelang, a Iponahatsa ho feta le ho feta, ho kena ka har'a Kereke ea Hae, ho Itsebisa; hobane, Eena, 'me Monyaluoaa le Monyali ba tla ba bang, ho Itsebisa. 'Me ka tsatsi le leng le tla bona hobane Eo le kileng la mo phopholetsa pelong tsa lona, 'me le bona boitsebiso ba Hae, o tla mothofatsoa ka pel'a lona, ke moo lona le Eena le leng Bang.

Le kopantsoe ka Lentsoe. 'Me Lentsoe, le neng le le tšimolohong, le tla khutlela tšimolohong, e leng Molimo. "'Me ka letsatsi leo le tla tseba hobane Ke ho Ntate, Ntate o ka ho 'Na; 'Na ke ka ho lona, le lona le ka ho 'Na." Alleluia! Re fihlike mona! Alleluia! Ke thabetse ho 'Mona a Imothofatsa hantle har'a rōna, le ho bona seo A se tsepisitseng Lentsoe; ha se maikutlo a motho, ho bina, le ho qhomaka, le ho hobelaka. Empa ka Lentsoe la Oona, amen, O a Itsebisa.

¹⁷⁵ Shebang, mohla ba ne ba tlisa, 'me ba haha tempele 'me ba kenya areka ka har'a eona, Molimo oa kena ka mono ka Topallo ea Mollo. Amen. Keha Davida a tlolaka a hooeletsa, libini tsohle le baprista ba itšoere joalo, athe ba ne ba fapohile thato ea Molimo. Empa eareha ha Molimo o tsebisisa areka bolulong ba Oona maemong, le pele ba kenya areka ka mono, Topallo ea Mollo ke ena e hlaha e eteletse tsela; ea likela hantle holim'a mapheeo a likerubime, ea potela hantle ka

mor'a Sehalalelisiso, 'ngalo ea Oona ea phomolo; Topallo ea Mollo! 'Me khanya ea Molimo keha e lutse ka mono, ho fihlela mo-... ba sa bone mokhoa oa ho sebetsa. Amen.

E tla pompatsa mahlo a rathutamolimo ka mong, mohla A tlelang Monyaluoa oa Hae. O tla 'nkuoa har'a e—har'a khitla ea bosiu, mokana ho etsahetse, ho bona. Ba ke ke ba 'Mona ha a tsamaea. Oh, ho bokoe Molimo!

¹⁷⁶ Lemohang, Molimo o tsepisitse O tla ntša Monyaluoa oa Oona, seo O tla se etsa. Peō e tla ba teng. Leseli le tla chaba nakong ea mantsiboea, kamoo A tla etsa lintho tsena tsohle, hantle ka nepo, le kamoo O e rerileng sethatong ka har'a Testamente ea Khale le Testamente e Ncha.

'Me ha se ka mokhatlo oa bolumeli. Hase ka litsamaiso tsa rōna tseo re li sebelisang kajeno. Re hlahisa lefu feela. Ho lumella batho ho isa matsoho a bona ho Eona, 'me ba bolaoe ke eona. U a bona?

¹⁷⁷ Lentsoe, Molaetsa oa mantsiboea, o tšoanelia ho jara liphetho tsa mantsiboea. Molaetsa oa mantsiboea o tšoanelia ho jala Peō ea mantsiboea, e seng peō ea hosasa. Peō ea mantsiboea! Ho joalo na? Tema ea letšeare, lipeo tsa eona morao mono, e ne e le mokhatlo oa malumeli; ea shoa, ho timela. Empa Molaetsa oa nako ea mantsiboea o tla bontša Leseli la nako ea mantsiboea, ho bontša liphetho tsa nako ea mantsiboea; Molaetsa oa nako ea mantsiboea!

Nako ea Jesu, molaetsa oa motšeare, o hlahisitse liphetho tsa motšeare. Molaetsa oa tšimoloho o hlahisitse sephetho sa tšimoloho, ho bopa popo. A bopa Mora oa Oona ka setšoantšo sa Oona ka Sebele, har'a mpa ea motšeare. Nako ea mantsiboea O E bopela Monyaluoa. U a bona? Ka eng? Lentsoe la Oona.

O bopile lefatše joang? O le hlotse joang ka polelo? Ka Lentsoe la Oona!

Mora oa Oona e ne e le Mang? Lentsoe! "Lentsoe le ne le le tšimolohong, 'me Lentsoe le ne le le ho Molimo. 'Me Lentsoe le ne le etsoe nama la aha har'a rona."

O tla nka Monyaluoa oa Hae joang? Ka Lentsoe; e seng ka koloi e ncha, e seng ka mohopolo oa moithuti ea itseng oa thutamolimo. Empa O tla Mo tsebahatsa ho latēla Lentsoe la Oona. U se ke ua eketsa letho ho Lona kapa ho tlosa letho ho Lona joale. U Le tlohele kamoo Le leng kateng. U a bona?

¹⁷⁸ Nako ea mantsiboea, O tsepisitse O tla senola, le hona, ho manolla Litiiso tse Supileng tsena le ho bontša seo likereke tseo li se fositseng morao mono. Litšenolo 10, le Malakia 4, Luka 17:30, O itse O tla e etsa. Joale re se ke ra e tsoaka. A re e bolokeng e le joalo hantle.

¹⁷⁹ E reng 'na, ho koaleng . . . E nanarela, e batla e le metsotso e leshome le metso e mehlano pele ho leshome le metso e 'meli. E reng ke koale, ka ho bua sena.

Metsoalle, mamelang, ka Lebitso la Morena Jesu! Lintho tsena li hlakile hona le ka sitoa ho se E lumele. E le hlaketse hona le ka sitoa ho se E bone. Ruri le ka bona Hoo! Ruri lefatše le ne le ka E bona! Haese feelsa ntho ea lona . . .

Le se ke la tšoaetsoa ke malepa a macha ana le lintho tseo ba li tšoereng kajeno; ha ke tsotelle na ke monna ea lokileng ha kae, ba tšepeha ha kae. "Ekare ha ba bue ho ea ka molao le baporofeta," Bibebe e itse, "ha ba na Bophelo ka ho bona." U a bona?

¹⁸⁰ Davida o hopotse a nepile. O na a tšepahala. Baprista bao ba hopotse ba nepile. Ba ne ba tšepahala. Empa ba hlotsoe feelsa ke ho rerisana le Morena ka eona. 'Me ebe ba e khonne joang? Ekaba ba itse, "Re hlile re rapetse." Empa e ne e se tsela ea Molimo ho e etsa. O tšepisitse O ke ke oa etsa letho pele O le senoletse bahlanka ba Oona baporofeta. 'Me Nathan-ael ke eo o na eme har'a bona hantle, 'me le ho mo rerisa ho hang.

¹⁸¹ Joale balang likhaolo tse 'maloa tse latèlang tsa Likronike mono, 'me le tla fumana. Mohla Davida a na a lutse ka tlung, 'me a re, "Na ho lokile," 'me Nathan-ael a lutse le eena, "'na nka hla ka khona, ka lula ka har'a kedare, 'me—'me areka ea Molimo eona e le tlas'a litente ka ntle mona?" 'Me Nathan-ael a fumana, ho tsoa ho Morena, na a 'molelle ho etsa'ng.

¹⁸² 'Me o se a sitiloe, eaba Molimo o re, "Bolella Davida mohlanka oa Ka Ke a mo rata. Ke mo etselitse lebitso le kang la banna ba baholo lefatšeng, empa Nke ke ka mo lumella ho e etsa," u a bona, "o se a Mphoqile. U a bona, Nke ke ka mo lumella ho e etsa. Ke tla hlahisa monna, mora oa hae, ke eena ea tla tsosa ntlo e sa feleng ea Molimo." 'Me ehlile, e ne e le Davida. Etsoe, Salomone a e bapisitse, empa eaba o a tlōla. Monna e mong le e mong o tlamehile ho hloleha. Motho e mong le e mong o tlamehile ho hloleha.

Molimo ke Oona o 'notši o ke keng oa hloleha. O ke ke oa hloleha. Ke phetho seo Molimo o ke keng oa se etsa, ke ho hloleha. 'Me Molimo ke Lentsoe. 'Me Lentsoe, ho sa tsotelehe kamoo le bonahalang eka le hlaha tjena, le tla hlaha kamoo Lentsoe le e boletseng kateng.

¹⁸³ Joale le hopole, u tlameha ho sala sehla morao, nako. U a bona? Le sehla seo u phelang ho sona, nako efe, le ho netefatsa hoo, ho bona hore ehlile ke 'Nete.

¹⁸⁴ Joale nka litšoanelo tsena tsohle, Lentsoe lohle, lipapiso tsohle, le lintho, 'me u shebe moo u lutseng teng. Nahana ka hora eo re phelang ho eona.

Shebang koana, karolo ea lefatše e lekanang le 'ngoe-leshomeng e mothating oa ho hohlomela. Mahlale a rialo. Ba shebile tšupanako. Lilemong tse 'maloa tse fetileng, ba itse, "Ke metsotso e meraro feela joale pele ho khitla." E ka ba motsotso, e ka ba halofo ea motsotso joale.

Ba re, "E ke ke ea etsahala molokong oa rōna."

¹⁸⁵ "E ka etsahala metsotsong e mehlano." 'Me le lemohe ntho e latelang a e buileng, "Lilemong tse hlano." Ha se 'na ea e buileng joale. Ke eena ea e buileng, ramahlale. Ba a pepetlolotseha ba tsoa California sa lintsintsi. U a bona? Be, ka letsatsi leo Lota a tsoileng Sodoma, ke lona letsatsi leo mollo o nesitsoeng holim'a lefatše.

Molimo o tla nka Molaetsa oa rōna ka le leng la matsatsi ana, 'me re tla falla mona. Ntho e 'ngoe e tla etsahalala, ruri bo, mohlang oo, mohla Kereke e tsamaileng, 'Mele oa Hae, Monyaluoaa oa Hae.

¹⁸⁶ Joale ke batla ho le balla Lengolo, 'me ke batla Le le bale le 'na. Ke batla le phetle ho Deutronoma 4, ho koaleng. Ke kholoa ho builoe ho lekana, hoo le ka utloisisang. Deutronoma 4. Ke tla bala libaka tse peli mona.

'Me ho kereke ena, le ho liteipi, batho ba liteiping, le batho ba hoketsoeng likarolong tse ling bophara ba na ha, ke batla le mamele sena ka kelohloko, 'me le se ke la hholeha. Ena ke eona ntho eo ke . . .

Deutronoma, khaolo ea 4. Ke tla nka temana ea 1. Ke batla ho bala temana ea 1, 'me ke nto bala temana ea 25 le 26. Le ka e bala eohle ha le fihla hae; empa feela, ho boloka nako, re tle re khone ho tsoa ka nako, hoba ke loketse ho khutla hape bosiung bona, ha Morena a rata. Utloang moporofeta enoa ha a bua. O tsoa ka pel'a Sefahleho sa Molimo. O ne a tseba seo a buang ka sona. Utloang.

'Me joale, lona Baiseraele, mamelang ho melao le litaelo, tseo ke le rutang tsona, hore le tle le etse ka tsona, le tle le phele, 'me le kene le rue lefatše leo JEHOVA Molimo oa bontata lona a le neang lona. (Hoo ho bapisa Mileniamoa oa rōna.)

Le ke ke la eketsa ka letho holim'a lentsoe leo ke le laelang lona, hape le se ke la fokotsa ho lona, ("Le se ke la eketsa letho ho Lona, 'me le se ke la fokotsa letho ho Lona. Lulang, le mpe le bue seo Le se buang!") le tla mpe le boloke litaelo tsa JEHOVA Molimo oa lona tseo ke le laelang tsona.

Mahlo a lona a bone seo JEHOVA a se entseng... ho Baale-peore: kamoo JEHOVA Molimo oa hao o

timelitseng har'a lona, motho ea neng ba latetse Baale-peore kateng. (“Joale le batho ba ikhethileng, thoko le mekhatlo ea malumeli.” U a bona? U a bona?)

Athe lona ba ileng ba khomarela JEHOVA Molimo oa lona, lona le sa ntsane le phela le kajeno kaofela ha lona. (“Ha lea shoa le mekhatlo ea lona ea malumeli. Lea phela joale, ‘me le ka pel’ a Sefahleho sa Molimo.”)

Ka kelohloko, le se ke la e fosa. Temana ea 25, joale, mohla ba ne ba kena lefatšeng, joale elang hloko se etsahalang.

’Me etlare hobane u tla tsoale bana, le litloholo, ’me u... e se e le khale le ahile lefatšeng leo, ekare ha le ka itšenya (ke se ileng sa etsahala), la etsa... litšoantšo tse betliloeng (ntho e sele), kapa setšoantšo sa eng le eng, ’me la etsa tse mpe pela JEHOVA Molimo oa hao, la mo halefisa: (Mamelang!)

Kajeno ke le biletsha maholimo le lefatše hore e be lipaki, u a bona, tsa hore u tla timela le timele kapele lefatšeng, kapa sebakeng, moo le tla kena ho lona ka ho tšela Jordane ho ea le rua; le ke ke la atisa litšiu tsa lona teng, empa le tla timeletsoa ruti.

¹⁸⁷ E ne e le ha Moshe a bua le Israele, hoba a netefatsoe ke Molimo, ka Topallo ea Mollo, ‘me a tsebile hobane o pakiloe e le mohlanka oa Molimo ho ba ntša. ‘Me le pele ba kena lefatšeng, pele ba kena, Moshe o itse, “Joale, mantsoe ao ke le boleletseng oona, ke bitsa leholimō le lefatše ho paka khahlano le lona. Ha le ka eketsa eng le eng ho Lona, kapa la tlosa Lentsoe le le leng ho Lona, le ke ke la lula lefatšeng leo Morena Molimo oa lona a le neang lona.”

Le ‘na ke rialo, ka Lebitso la Jesu Kreste! Le se ke la eketsa letho. Le se ke la tlosa, la sutela mehopoloana ea lona ho Lona. Le mpe le bue se builoeng liteiping tseo. Le mpe le etse seo Morena Molimo a se laetseng ho etsoa. Le se ke la eketsa ho Lona.

¹⁸⁸ Eena joale le kamehla, o boloka tšepiso ea Oona ho rōna. Tšepiso ka ‘ngoe eo A e entseng, O ‘nile oa e boloka. Na O kile oa le bolella taba e tla hlaha, ‘me na e hlahile? Ke bea maholimo le lefatše pel’ a lona kajeno, ho le phephetsa. Na Molimo o kile oa bua taba O sa kang oa e phetha le ho etsa hantle seo O itseng O tla re etsetsa sona? Ana ha O a e etsa hantle ka moo O itseng o tla e etsa? Ke hantle. Kahoo O tla tsoella ho e etsa. Le mpe le se ke la eketsa ho Lona. Le se ke la fokotsa ho Lona. Le mpe Le le lumele ‘me le tsamaee ka boikokobetso pel’ a Morena Molimo oa lona, hobane re haufi le ho kena Lefatšeng.

Ke moo, le sa tl’o hlola le khutla, ha le sa tla khutlela bophelong ba mofuta oona hape. Le tla khutla le le sebopua

se sa shoeng. Le tla khutla, mohla sebe se seng se tlositsoe, mohla Satane a tlanngoeng, 'me le tla phela lilemo tse sekete holim'a lefatše lena leo Morena Molimo oa lona a le neileng lona. "Hobane ba bonolo ba tla ja lefa le lefatše." "Ho lehlohonolo ea etsang melao ea Hae eohle, hore a tle a be le tokelo ea ho kena Motseng." "Hobane ka ntle ke baloi, mahata, bafebi, le lintja. Bao ba ke ke ba kena mono." Ke bakeng sa Balpollooa feela, le bao ba eang ka melao ea Oona.

¹⁸⁹ Le se ke la nka eng e ncha. Li fofa hohle, 'me li tla fihla li le ngata ho feta moo. Empa le se ke la nka lintho tsena tse ncha.

Morena Molimo oa lona o le boleletse 'Nete. Morena Molimo oa lona o netefalitse 'Nete, ka Lentsoe la Oona le ka Moea oa Oona. "Hase ka matla, hase ka cheseho, empa e le ka Moea oa Ka." 'Me, Moea, "Molimo o batla ba O rapelang ka Moea le ka 'Nete." "Lentsoe la Hao ke 'Nete." 'Me O netefalitse ka botlalo hore Jesu Kreste ke eena maobane, kajeno, le ka ho sa feleng. O le bontšitse Lipeō tsa mantsiboea. O le senoletse Eona, ka har'a Lentsoe. O le paketse Eona, ka Moea oa Oona.

¹⁹⁰ Le se ke la qapa kapa la leka mokhatlo. Le se ke la leka ho aha holim'a letho.

Empa lulang le ikokobelitse ka pel'a Morena Molimo oa lona, hoba eka likhoro tsa ho kena Lefatšeng la pallo li tla buloa kapele. A re keneng ka pina ea 'nete le ka nyakallo, mohla Monyaluoa le Monyali ba nkang malulo a oona Teroneng.

¹⁹¹ Le phele ka boikokobetso. Le phele ka lerato. Le ratane. Le se sotetse letho lipakeng tsa lona. Ha u bona ntho e fihla pelong ea hao khahlano le motho e mong, e tlose hona moo. U se lumelle...

'Me Satane o tla etsa ka bokhoni bohle ba hae ho kena har'a lona. U a bona? Le se e lumelle ho etsahala. Lethaka le leleme le mathemaloli le ka fihla 'me la leka ho le tlosa ho Lona. Le nahana ba ne ba ka tlosa Moshe ka puo ka pel'a Sefahleho sa Molimo, athe o na eme mono 'me a E bona? Che, monghali. Che. Ha re fokotse ho Lona kapa ho eketsa ho Lona. Le bolokeng ka moo Morena a Le buileng. Ha re batle mokhatlo oa bolumeli. Ha re batle mekhatlo. Ha re batle lonya. Ha re batle ntoa. Re batla Molimo, 'me Eena ke Lentsoe.

Joale a re inamiseng lihloho tsa rōna.

¹⁹² Oho Molimo, ke qamaka ka leihlo la moea, ke leka ho bona se etsahalang. Ke bona Lentsoe la Hao, kamoo Le netefalitsoeng, kamoo Le pakiloeng kateng; haesale ho tloha lilemong tse mashome a mararo le metso e meraro tse fetileng, tlase mona nokeng, seo U se buileng. 'Me ke sena, lilemo tse mashome a mararo a metso e meraro ha morao, 'me U

etsa hantle seo U se boletseng. 'Me U entse hantle seo U se boletseng. Morena, re se ke ra leka ho Le nyenyefatsa kapa ho leka ho Le holisa; haese ho Le boloka kamoo O Le entseng, ho tsamaea ka boikokobetso feela le ho U latèla.

¹⁹³ Bana ke bao, Morena, bao U ba neetseng tšebeletso ea lentsoe, ho sa baloe bao bohole ba ithobaletseng naha ka bophara, lefatše ho pota. Litša tsa mabitla mona li bolokile bongata boo bo lebeletseng, bahalaleli ba bokoang. Empa ho joaloka ha ho boletsoe, "Rōna ba phelang le ba saletseng re ke ke ra raka bao ba ithobaletseng. Terompeta e tla lla, bafu ba tla tsoha pele; ebe moo re nkeloang holimo le bona." Mohla khanya ea Molimo e fihlang holim'a lefatše, e tla patela Kereke hole le lefatše. Le ke ke la E bona mohla E tsamaeang.

¹⁹⁴ Ntate Molimo, boloka bana matsohong a Hao. Ke ba Hao. Ke a rapela, Molimo, hore re tle re tsamaee ka boikokobetso pel'a Hao ka mehla. Ha re tsebe nako e kae. Ha re lakatse ho tseba na nako e tla ea halelele ha kae; ha se mosebetsi oa rōna. Oo ke mosebetsi oa Hao. Hase lithato tsa rōna ho tseba mohla U tla fihla. Ke thato ea rōna, Morena, ho lula re ikokobelitse ho fihlela U fihla, le ho tsamaea le Uena. Ke takatso ea rōna hore U Itsebise feela, hang ka nako, Ntate, har'a rōna, re tle re bone hobane re sa ntse re tsamaea le Uena.

¹⁹⁵ Re tšoarele libe tsa rōna tsa khale. Re tataise 'me u re sireletse lerabeng ka leng la liabolosi, bakeng sa bokamoso. Re etelle pele 'me u re tataise, oho Molimo Ntata rōna. Tšoarela libe tsa rōna 'me u re thusé ho ba bana ba Hao. Re sehlopha se futsanehileng sa batho. Re mokhelo, ho lisosaiti tsa lefatše lena, ka mekhatlo ea malumeli a likereke.

Re bona pheletso. 'Me re U leboha ka pono ea moea Lentsoeng la Hao, ho bona nako ea bofelo, hobane lintho tsena tsohle li tšoanetse ho fihla li tlepetsøe ka sekhhahla ho tsoa Leholumōng. Re thusé, Morena, re se be mona tsatsing leo, empa re be re finyeletse ka pel'a Sefahleho sa Hao, ho fofela sefubeng sa Hao.

¹⁹⁶ Folisa bakuli le ba mahlomoleng, Morena. Re rapela bosiusg bona U tle u re fe tšebeletso e khōlō, ho se be motho ea tšeremang har'a rōna, ka baka la Sefahleho sa Hao, Morena. Lipelo tsa rōna li 'ne li tsepamisoe ho Uena. 'Me re a tseba, Morena, hore chelete, thepa, lintho tsa lefatše ha li bolele letho, ke tsa nakoana feela. Tsohle li tšoanelia ho tsamaea. Mesebetsi ea rōna, libaka tsa rōna, metsoalle ea rōna, ntho ka 'ngoe e tšoanelia ho tsamaea. Ho sa tsotolehe borui bo bokae, bofumana bo bokae, botumo bo bokae kapa na ha rea tuma ha kae, sohle se tšoanelia ho tsamaea. Empa setsi sa botho ba rona ke ntho e 'ngoe feela, 'me sona ke Jesu Kreste. Kahoo, Molimo, sohle re se theolele boemong ba bobeli, 'me re itšoarelle ho Eena. 'Me Eena ke Lentsoe. Aba sena, Morena.

¹⁹⁷ Lentsoe le netefalitsoeng la hora! Lentsoe le netefalitsoeng la matsatsi a Moshe e ne e le Jesu. Lentsoe le netefalitsoeng la letsatsi la Esaia, Elia, Johanne, bohole, e ne e le Jesu. 'Me Lentsoe le netefalitsoeng kajeno ke Jesu, eena maobane, kajeno, le ka ho sa feleng. Re thusé, Morena, ho lumela seo, ho bona seo, le ho tsamaea ho sona. Re—re kopa ka Lebitso la Jesu.

¹⁹⁸ Ka lihloho tsa rōna tse inamisitsoeng, kea ipotsa na ba teng ka mona ba e-song ho ka ba etsa ntho e le 'ngoe eo e khōlō, ea bokhoni-bohole... Le a E lumela, empa ho E lumela feela ha ho a lekana.

Kea lumela mohatsa ka e ne e le ngoanana ea lokileng. Ke tsebile ntatae, 'ma'e. Ke mo tsebile lilemo le lilemo. O tsamaile bophelo bo tsepameng. Ke ne ke lumela hobane e ne e le mosali ea lokileng, empa hoo ha hoa mo fetola oa ka. Ha a fetoha oa ka ho fihlela, eena, ke mo amohela, a nkamohela.

Joale Jesu o batla ho u amohela. Na u ke ke ua Mo amohela 'me ua fetoha karolo ea Lentsoe la Hae? Haeba u e-so etse hoo, ka lihloho tsa lona le lipelo tsa lona tse inamisitsoeng, kea tšepa...

¹⁹⁹ Sebaka sa ho memela aletare ha se eo mona. Ebile ha ke li tšehetse, ha kaalo. Ke lumela Molimo o u etela hona moo u leng teng. Na le ka phahamisa matsoho a lona, ho re, "Moena Branham, ako nkhopole thapeleng. Ke batla ho etsa hoo." Molimo a u hlohonolofatse. "Ke..." Molimo a u hlohonolofatse. Khele, matsoho hohle! "Ke batla ho ba joalo." Molimo a u hlohonolofatse, moena. U hlohonolofale, moena; lona bohole, ka mahohle. "Ke batla ho ba seo." Molimo a hlohonolofatse... "Ruri ke batla ho ba seo. Ke—ke a e bona."

Be, joale, sheba, motoalle, nthoana e ka ba teng... Ha u se seo, e tla ba u itšetlehile ka ntho esele ho eo. U haufi le eona, u e shebile. U a e bona. U e bone ka lilemo, e ntse e nyoloha. U e bona e butsoa joale. Ha ntho eo e fela e bolela sohle ho rōna, 'me ha ho letho le tla tiisetka ntle le Hono, hobaneng u sa sokollele hloho ea hao hole le ntho eo esale u e shebile 'me ua Mo fetola setsi sa bophelo ba hao? Etsoe, setsi sa bophelo bohole, tsohle ka morao ho mona, ke Eena. Ana u ke ke ua e etsa, re sa rapela 'moho?

²⁰⁰ Molimo o ratehang, ao ke matsoho a monna, basali, bashanyana, banana, esita le baruti, ba phahamisitse matsoho a bona. Ba—ba batlile ho—ho fetola Morena Jesu setsi hantle, 'me eka ha ba khone. Ntho e teng e ba hulelang ka *mona*, ka *mane*. E ka ba mokhatlo oa malumeli, e ka ba motho, e ka ba sebe, e ka ba ntho eo ba e kubutileng pelong ea bona. Ha ke tsebe, Morena. Ho tseba Uena. E ka bang eng, hona joale feela, Morena, ha U ntse u bitsa ba bang... U se u ba bitsitse. Ke ba Hao.

'Me ha U ntse u ba bitsa, ba ke ba itšoasolle mono, mono sebeng se tšoasang, joaloka Bibebe ha e boletse. "Ho furalla

sebe seo se re tšoasang feela, re tle re mathe ka mamello lephallo le beiloeng ka pela rōna, re shebile ho...” Eng, mosebetsing oa rōna, mokhatlong oa bolumeli ba rona, setlamong sa rōna, makhotleng? “Ho Kreste moqali le mophethi oa tumelo eo re nang le eona ho Eena.” Etsa hoo, Ntate, re etsetse hoo kajeno, hoba re e kopa ka Lebitso la Hae le bakeng sa tlotsiso ea Hae.

²⁰¹ Joale ke ba Hao, Morena. Ba sebetse ka boithatelo ba Hao. U re sebetse ka boithatelo ba Hao. Re ba Hao. Ka Lebitso la Jesu. Amen.

Kea Mo rata, kea Mo rata
 Hoba A nthatile pele
 Le ho lefella pholoho ea ka
 Fateng sa Kalvari.

²⁰² Na u lebetse tinare? Ana u lebetse hore bana ba itoketse, ka ntle koana koloing, kapa che? Na u lebetse tsohle tse fetileng, le ho elelloa na seo u se utloang hona joale ke eng? Se ntse se ipopa ka pel'a hao, letsatsi le letsatsi. U a bona? Hoo e be setsi sa eng le eng. Lintho tsohle li tsamaee; li tla timela, le hona.

Oh, 'no Mo sale morao feela! U a bona? Joaloka Elisha ha a latètse Elia, a re Mo latèleng. Hoba re tla tšoanelo ho nyolleloa holimo, le rōna, ka tsatsi le leng. Re bone koloi ea Mollo e Mo nyolotseng lebitleng. Re E utloa har'a rōna joale. Tsatsi le leng O tla qhanolla lipere lihlahleng. Rea nyoloha. Ha le Mo rate na?

Le ho lefella pholoho ea ka
 Fateng sa Kalvari.

Oh, na u ke ke ua koala mahlo a hao ua 'Mona a leketla koo?

Kea Mo rata, (nka rata mang e mong?) kea Mo rata
 Hoba A nthatile pele
 Le ho lefella pholoho ea ka
 Fateng sa Kalvari.

²⁰³ Nako le nako ha ke khutlela lapeng, motho e mong o se a iketse. Nka nyamela likhoeli tse 'maloa, ke khutle, motho e mong o se a iketse. Ke utloa bohloko nako le nako ha ke fihla.

Tsatsi le leng, moshanyana eo ke keneng sekolo le eena, ha ke theoha ka seterata, o ile a re, “Lumela, Billy.”

²⁰⁴ Ka mo sheba, e kile ea e-ba tjaka, ka moriri o motšo o phatsimang o phophothetsoe morao; joale o bosoeu ba lehloa. O ne a tsepame; mpa e tsoile *tjena*. Ka re, “Lumela, Jim.” Ka mo sheba.

Ka utloa pelong ea ka, ka nahana, “Molimo, 'na le moshanyana eo, 'na le monna eo, re lithaka.”

Ka hona, kea tseba matsatsi a ka a baliloe. Kea tseba ha se khale haholo. Kea qamaka, 'me kea nahana, "Nka etsang, Morena? Nthuse. Ha ke batle ho U eta ka pele. Ke batla hantle—hantle ho U sala morao. Uena o tsamaee ka pele tseleng." Kea sheba, 'me kea nahana, "Lilemo tse mashome a mahlano a metso e tšeletseng, oh, khele, ha se khale haholo!"

²⁰⁵ 'Me ke sheba fatše, ke bona motsoalle oa ka ea lokileng Bill Dauch a lutse mono, lilemo tse mashome a supileng a metso e 'meli kapa mashome a supileng a metso e merarō. Kea qamaka, ke bona bana bana, ba a nahana, "Be, ke tla ema ho fihlela ke le thaka ea Moena Branham, ke tla e nahana." Moratuoa, u ka tšoana u sa e bone. Ke belaela haholo hore u tla e bona. U a bona? Empa, ako nahane feela, hola Moena Bill Dauch a ka phela letsatsi lena, u tla phela halelele ho feta makholo a mangata a batho ba lilemong tsa bo leshome le metso e mehlano-, leshome le metso e tšeleta. Ba ntse e-shoa hora le hora.

Lilemo tsa hao li etsa phapang ea'ng! U etsa'ng ka hora eo u phelang ho eona? U etsetsa Jesu eng nakong ena? U a bona? Oh, ke batla ho 'Mona. Ke batla ho bona hora eo mohla ke shebang 'me ke bona mebele ena eohle ea khale e fetotsoe, ho e bona "e fetotsoe ka motsotsso, ka ho panya." Ha ho se joalo, re batho ba lithoto ho feta; e-jang, le noe, 'me u nyakalle, hobane hosasa u tla shoaa; u a bona, u tšoana le phoofolo feela, u a shoaa 'me u ea leroleng 'me ke ho fela. Empa ntho e sa shoeng—moea o sa shoeng o phela ka ho uena, moena. Re se re utloile ho tsoa Leholidmōng. Re se re e bone e pakoa. Rea tseba hobane U teng, 'me ke moputsi oa ba O batlang ka cheseho.

Joale, lona litho tsa 'Mele oa Kreste, re sa e bina hape, ke le batla le lutse litulong tsa lona 'me le tsukutlane ka matsoho re sa se bina hape.

Kea . . . (lumelisa moena oa hao feela, khaitseli)
 kea Mo rata
 Hoba . . . (Richard!) . . . pele
 Le ho lefella pholoho ea ka
 Fateng sa Kalvari.

²⁰⁶ Lea Mo rata? E reng, "Amen." [Phutheho e re, "Amen."—Mong.] Le rata Lentsoe la Oona na? E reng, "Amen." ["Amen!"] Le rata tsela ea Oona? E reng, "Amen." ["Amen!"] Le rata 'Mele oa Oona? E reng "Amen!" ["Amen."] E tla ba, le a ratana. Amen! Ke hantle. "Batho bohole ba tla tseba ke hona hobane le barutuoa ba Ka, ha le ratana."

Joale lisakatuku tsena ke li beile matsoho, haeba le tlameha ho li fumana pele ho bosiu.

²⁰⁷ Ke batla ho fumana Moena Richard Blair . . . Molimo o arabetse thapelo ea hae, eena le moena mona, ba rapetse tsatsi le leng, ho khutlisa moshanyana enoa ea lutseng har'a rōna

kajeno, ea phelang, ka baka la tumelo ea bona ho Molimo. 'Me joale ke tla re a re lokolle ka lentsoe la thapelo, metsotsong e 'maloa feela, re tle re khutle hape bosius bona.

Ke metsotso e ka bang mehlano feela ka morao ho leshome le metso e 'meli, ho latèla tšupanako eane. 'Me ke le batla le khutlike bosius bona, ha le khona, ha le le haufi. Ha le tlameha ho ea lapeng, Molimo a atlehise tsela ea lona, a le thuse, le ho le baballa. Ha le khona ho sala, 'me le batla ho sala, le amohetsoe ho sala. Molimo a be le lona joale.

Ho fihlela! ho fihlela!

Ho fihlela . . . (a re Mo phahamisetseng matsoho
a rōna) . . . maotong a Jesu re kopana;

Ho fihlela! ho fihlela!

Molimo o le sitse re be re kopane.

[Moena Branham o qala a binela *Modimo O Be Le Lona* ka marameng—Mong.] Ke oona mokhoa oa ho tsoa tlung ea Molimo, ka thapelo, ka boikokobetso, ka tšepo e reng re tla boela re kopana bosius bona. Haeba re sa khone, "Molimo a be le lona re be re kopane!"

A re inamiseng lihloho tsa rōna joale. Moena Blair.



HO LEKA HO SEBELETS A MOLIMO E SE THATO EA MOLIMO SST65-0718M
(Trying To Do God A Service Without Being The Will Of God)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha hoseng, Phupu 18, 1965, mane Tabernakeleng ea Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org